

Sr. Humphrey Tromp, director financiero:

APA kier yega na un CAO cu conta pa tur trahador y a reuni cu e dos sindicatonan

ORANJESTAD (AAN) -- Gerencia di Aruba Port Authority (APA), a sinta cu sindicato TOPA cu recientemente a gana e referendum pa e departamento nautico. Tambe tin STA cu ta representa trahadonan di otro departamento- nan di APA.

Señor Humphrey Tromp, director financiero di APA a elabora al respecto den entrevista cu nos redaccion.

Sr. Tromp a puntualiza cu APA kier purba di negocia e Contrato Colectivo cu un sindicato so, pasobra si ta wak e estructura di entradanan di APA no ta asina cu cada departamento ta genera nan propio entrada, unda cu por regla algo específico pa un solo departamento. APA ta un compania relativamente chikito cu menos di 100 trahado y si ta ripara e forma con e ta estructura cada departamento mester di e otro.

Riba esaki, Sr. Tromp ta splica cu si mester regla algo ta haci pa tur e trahado por igual.

Cu e mensahe aki a sinta cu ambos sindicato, ya cu te ainda e sindicato cu tabata representa tur e trahadornan tabata STA. Na Januari tabata tin un referendum unda cu TOPA a bay pa haya representacion di e compania completo, cu no a resulta.

E ora ey el a pidi pa representa departamento nautico so, cual a wordo honra door di mediador. APA no ta contra ningun sindicato, pero lo kier regla un solo CAO y ta p'esey APA a cuminsa un caso contra mediador pa para e referendum. No obstante Huez no a honra esey cu e resultado ya conoci, y APA ta sinta cu nan na mesa, ya cu ta nan obligacion. Gerencia a sinta na mesa cu ambos sindicato, y yega na un CAO nobo. Esun actual ta vence na fin di Juli 2018.

APA no ta sinti cu STA tin mucho "gana" di sinta cu gerencia di APA, mientras cu di parti di TOPA si a haya mas flexibilidad y, naturalmente,



si ta tocante departamento nautico kier sinta apart. Pero esaki ta un situacion unda cu si un beneficio ta tuma mas di e bolo e otro beneficio ta bira menos. E ta hopi simple, segun Sr. Tromp.

Ta asina cu gerencia a muestra na ambos sindicato e cifranan y kico ta e resultado te awor. E dos pilarnan mas importante

di APA, actualmente, ta e parti di Barcadera cu ta draai dos aña caba y e cruseronan cu tambe tin su estabilidad. Riba e parti di "blank cloth", awor ta cuminsa cun'e y ta keda ocupa cu "port sitting" na Barcadera pero riba eseynan no tin nada concreto ainda.

A base di e proyeccion cu tin aworaki, tin cu wak kico ex-

tra por wordo duna, pero e compania mester keda stabil pa e proximo añanan. Tambe mester keda realistico y wak e beneficiaran, tin cu wak e mercado y tambe e funcion cu e trahado ta haciendo y haci un comparacion. Si ta compara e beneficiaran di APA, e ta na un nivel hopi halto anto riba esaki na dado momento nan mester ta realistico y exigiden e cuadro di nan funcion y no por bay fuera di e mercado. Esey ta lo corecto.

Pero, en todo caso, gerencia tabata hopi habri cu tur dos sindicato y nan a muestra comprension. Awo gerencia ta na spera di cada un nan proposicion, y di eynan lo sigui. Pero si a pidi pa mantene e topico ora di papia cu prensa, riba mesa. Ta keda traha cu e speranza cu prome cu fin di Juli por yega na un CAO cu ta conta pa departamento nautico pero pa tur e trahadornan tambe, segun sr. Tromp.

Ivo Valdez Presidente di OPPA:

Gobierno a lubida locual nan a priminti e pensionadonan

ORANJESTAD (AAN) -- Ta conoci cu entrante 1 di Juli 2018 e prima di AZV ta bay baha di 10.5% pa 6.5%, riba pension di behez.

Pa e pensionadonan cu ta traha ainda y ta yega na entrada di 30 mil florin anual, of 2.500 pa luna, tambe e bahada aki di AZV ta conta. Pero pa un entrada mas halto no.

Kiemen, tur pensionado di OPPA (Organizacion Pensionadonan Publico Aruba) cu tin un pension di AOW y di APA no bin na remarca, y presidente di e Organizacion di Pensionado, sr. Ivo Valdez, ta elabora al respecto.

Ivo Valdez ta splica cu e crisis actual ta trece aumento di e costo di bida pa nos tur, kiemen riba 105 %. Sr. Ivo Valdes a sigui bisa cu, for di 1 di Januari 2013 no a conoce ni un tipo di aumento mas riba nan pension. Es decir, cu tur e pensionadonan di PVL cu tabata haya un "diensttoeslag", cu ta un subsidio pa aumento di costo di bida, esey a wordo kita desde di 31 di December di 2010, cu e introduccion di NTR 2011. For di e tempo ey no tin aumento mas riba nan entrada.

Esnan cu a drenta den NTR 2011, cu despues a bira ATR 2014 ta depende simplemente



riba di con e grado di cobertura ta. Pa nan haya un aumento ta depende si e poder di cobertura (dekkingskracht) ta firme, kiemen riba 105 %. Sr. Ivo Valdes a sigui bisa cu, for di 1 di Januari nan a bay atras den nan entrada pagando e prima di 10.5% na AZV y eynan, esaki lo keda paga.

Pensionadonan no ta bay dilanti siendo cu durante campaña otro cos a wordo priminti na nan. Pero awo no ta papia di e beneficio na tur e pensionadonan sino cu a resulta cu ta un grupito chikito so ta esun cu ta bay haya e subsidio pa compensa e crisis y no a mira cu a bay dilanti ni un

caminda.

Politiconan mester practica loke nan a predica unda nan ta priminti cielo y tera prome y despues cu ta drenta den gobierno no ta cumpli. Pero mientras tanto, e dlanan ta keda core y prome di Juli ta biniendo tambe.

Riba esaki OPPA a dirigi su di tres carta dia 7 di Mei, cu tabata e ultimo cu a manda na Minister pa nan por sinta cune, pa logra yega na un areglo cu ahustacion pa e pensionadonan. Pero nan no a haya ningun contesta.

Den e programa di gubernacion ta para cu hende ta central, anto riba esaki ta parce cu

pensionado no ta hende siendo cu un Minister cu nan a acerca no a contesta nan carta ni a sinta cu OPPA.

Mientras tanto ta sigui purba pero otro siman e plazo cu nan a duna di tres siman ta caduca. Dialuna awor lo cuminsa cana e caminda legal pa wak si toch por yega na e ahustacion pa esnan cu tin derecho riba dje. E motibo ta cu pasobra no ta tur e pensionadonan tin derecho riba esaki.

Tur e pensionadonan cu a bay cu pension despues di 1 Januari 2013 no ta haya e derecho riba e 85 florin di ahustacion, anto mester wak kico ta bay pasa y con ta atende cu e asunto aki. OPPA ta spera di por sinta cu e Minister siendo cu for di Januari 2018 cu nan a manda e cartanan cu e solicitudnan di OPPA, no a haya ni un contesta riba e asuntunan di hospital, esun di 85 fls, entre otro preocupacionnan cu e pensionadonan tin, segun Sr. Ivo Valdes, di OPPA.

Sr. Valdes a sigui bisa cu politiconan ta lubida di cumpli e promesanan haci den campaña y mester compronde cu pueblo ta esun pagado di belasting. Tanto parlamentario como Ministernan tey pa duna servicio.

Pensionadonan no ta pidi un

fabor sino cu nan ta exige pa delivera cu e problemanan cu tin, caminda cu por ehempel den caso di hospital awor kier hinca hende homber cu muhe den e mesun camber, y nan no po opina riba esey y no por siendo cu na Aruba tin cu respete e estado derecho.

E caminda legal cu ta bay cana ta pa chek si e miembronan di OPPA tin e derecho pa haya e 85 florin di ahustacion pasobra no por ta asina cu for di 2011 a duna 104 florin na e pensionadonan mesun cos cu tur e trahadonan publico, y e aña siguiente a haya tambe 140 florin anto diripiente na 2013 pensionado no a haye mas anto kier sa si a cera un acuerdo bilateral unda cu OPPA no a forma parti di e discucion aki den e tempo ey y ta keda lucha pa e miembronan pero pa esaki mester sinta cu Minister anto ni esey por a logra.

Gobierno anterior a priminti cu nan ta bay paga 85 florin anto despues pa bon of pa malo gobierno a cambia y mester t'ey pa pueblo. Mester sinta na mesa pa wordo scucha pa wak unda por yega na otro y ta keda spera un contesta riba esaki unda cu OPPA tin un comision trahando den forma activo riba esaki.

Minister Xiomara Ruiz Maduro a habri session informativo

Programanan financiero pa yuda empresarionan local

ORANJESTAD(AAN)----

Diahuebs pasa Minister di Finanzas, Asuntonan Economico y Cultura a duna acto di apertura na un sesion informativo riba servicionan y programanan financiero aplicabel pa empresanan na Aruba cu ta interesa y kier exporta nan producto of servicio for di Aruba. For di Hulanda tabata presente un delegacion di Rijksdienst voor Ondernemend Nederland (RVO).

Na promer lugha e mandatario a gradici Ministerio di Relacionnan Exterior di Reino y Rijksdienst voor Ondernemend Nederland p'e cooperacion den Reino pa asina promove y crea mas oportunidad pa desaroyo economico. Minister Ruiz-Maduro di su banda a trece dilanti e pasonan cu Gobierno di Aruba ta tumando pa contribui na mehoracion di nos economia local y participacion di e mundo empresarial na nos pais.

E servicionan y programanan financiero di RVO ta ofrece ta amplio y por guia e empresario local for di comienso dunando tur informacion y asina e empresario ta prepara pa e reto su dilanti pa sondea e posibilidadnan pa exporta su



producto y/o servicio pafo di reino.

Exprodesk como parti di Departamento di Asuntonan Economico, Comercio y Industria di Aruba a organisa e exitoso evento aki cu a tuma lugha na Aruba Surfside Marina a conta cu un interes grandi di empresarionan di Aruba. Durante e sesion informario e participantenan por a tuma nota


e programanan financiero hulandes cu awo empresarionan local tin e posibilidad di aplica y tur ademas oportunidad cu e programanan di exportacion ta ofrece.

Exprodesk ta un 'Export Promotion Desk' cu tin como meta pa contribui na un desaroyo economico sostenibel na Aruba hibando un maneho di capacitacion empresario-

nan estableci na Aruba. Door di organisa consulta, training y workshop Expro Desk ta ofrece sosten y guia na empresanan cu kier habri hala y exporta nan producto y/o servicio pafo di Reino Hulandes. Esaki ta un oportunidad pa empresario- nan local bay e "extra mile" y progresa y contribui na mas desaroyo economico di nos pais Aruba.

Dia 30 di mei na Almere, Hulanda

Ministro Guillfred Besaril lo ricibi e promer copia di e buki "Passie, Emotie en Liefde voor de Klant"



ORANJESTAD (AAN): E autor Arubiano Richard Lopes-Slot MCC ta preparando pa impacta cu su buki nobo na Hulanda y Belgica diarazon awor dia 30 di mei 2018.

Richard Lopes-Slot MCC a caba su Masteropleiding Management Culture and Change, specialisatie Coaching (MCC) na 2016. E ta un negociante, change manager, trainer y coach. Lopes-Slot ta traha huntu cu diferente or-

ganizacion grandi y renombra na Hulanda. Su expertise ta profesionalisa e trabao di un advisor y bendedor. Sea na telefoon of personal. Lopes-Slot a scirbi e buki:

Passie, emotie en liefde voor de klant. Het handboek voor excellente klantbediening in zeven minuten.

Cu e buki nobo aki di Lopes-Slot tur bendedor, advisor y tur hende cu tin contacto cu cliente lo por haya consejo pa



bira un professional excelente den nan trato y contacto cu cliente.

Presentacion di e buki lo tuma lugar djarazon 30 di mei 2018 na Hulanda. Orario: 7:00 p.m. pa 8:30 p.m. na Alnovum Almere Centrum (Flevatorium zaal). Ministro Guillfred Besaril lo ricibi e promer copia di e buki, asina a wordo informa na mesa di redaccion.

Minister Rudy Lampe:

Leerplicht sin sancion ta un ley morto



ORANJESTAD (AAN): Leerplicht ta un ley cu si no tin sancion, e ora ey e ta un ley morto segun minister Rudy Lampe. E parti ey awor aki ta studiando en berdad pa bin cu cierto mecanismo unda tin sancion. Pasobra sino e ora ey bo ta haya cu ningun hende ta mantene su mes na e ley y tur mucha tin e obligacion te cu 16 aña, e derecho pa haya enseñansa.


Pesey banda di leerplicht tin leerrecht. E mucha tin derecho di haya enseñansa y nos tin cu percura pa e ricibi enseñansa. Y mayornan tin e obligacion pa nan percura pa nan yiunan haya enseñansa. Y si no tin sancion, en berdad dado momento tin situacionnan cu bo no por haci nada. Ta studiando e posibilidad di un boet, aunke por bisa cu hopi di e famianan

cu ta den un situacion asina aki, bo strafnan, bo ta bolbe strafnan atrobe, pasobra ya nan a wordo gestraf caba pa sociedad.

Por ehempel un tata cu a sali for di KIA, e ta busca trabao, ningun hende no kier dune, pasobra el a sali for di KIA. E ta bolbe cay den e circuito atrobe di criminalidad, pasobra e tin cu cria su famia. Awo ken a faya? Ta nos sociedad. Mester a dune un di dos oportunidad. Pero e no ta hay'e pasobra ningun hende no kier dun'e.

Ta prefera di contata un Latino ilegal y no un Arubiano cu a sali for di KIA. E ora ey ya sociedad ta strafe. Despues e ta bolbe haya un boet riba dje. Esey ta un dobel straf. Tin cu tuma na cuenta cada caso. Importante ta, pa henter e asunto aki di e leerplichtwet, pa en berdad concientisa un y tur, cu un mucha, tin derecho riba enseñansa y ta obligacion di e minister bay te abao, pa crea e condicionnan pa e mucha haya enseñansa.

Directiva di Centro di Bario Tanki Leendert contento cu accion di limpieza



ORANJESTAD (AAN) -- Directiva di Centro di Bario Tanki Leendert ta sumamente contento cu finalmente a tuma accion riba e dump ilegal cu tabata tin patras di e speeltuin di Centro di Bario.

Sra. Ray Ann Hernandez, presidente di Centro di Bario Tanki Leendert, a elabora riba e tema den entrevista cu nos redaccion.

El a indica cu e proceso aki a tuma lugha despues di basta tempo. Tabata tres siman pasa cu e Minister di Asuntonan Social, Sr. Glenbert Croes a haci un bishita na e centro, como cu Centronan di Bario ta cay bou di su maneho. Despues di wak e situacion cu

e dump ilegal a crea, di biaha a dicidi di tuma accion hunto Ministerio di Infrastructura y Medio Ambiente pa haci limpi den forma inmediato.

Dos aña pasa nan a haya un calculacion unda cu tabata tin un sushedad cu lo yena 40 truck di sushi. Pero Bureau City Inspector a confirma cu nan a saca 54 truck di sushi y ainda tin mas. Asina ta wak tambe cu ta trata di un dump ilegal, cu un cantidad di sushi asina substancial.

Finalmente, sra. Ray Ann Hernandez a expresa cu e ta sumamente contento cu e trabou aki cu a wordo realiza. Awo tin un speeltuin unda e muchanan y henter famia por bin disfruta sin cu tin peligro di bestia of sushedad cerca. Nan a yega di haya bestianan manera scorpion, djaka, raton y ultimo tempo hasta boanan como tambe insectonan venenoso. E hecho cu a logra ruim op full e area sigur ta un stap padilanti hopi grandi pa Centro di Bario Tanki Leendert. Te asina leu, declaracionnan di Sra. Ray Anne Hernandez, presidente di Centro di Bario Tanki Leendert.

Presidente di SADA sr. Eduardo Maduro:

Den encuesta trahadornan di Aduana a muestra cu nan ta malcontento



ORANJESTAD (AAN) – Sindicato di Aduana (SADA) ta traha hopi profesional pa logra resultadonan satisfactorio sin cu mester tuma accionnan drastico.

Señor Eduardo Maduro, Presidente di SADA, e menciona den entrevista cu nos redaccion, cu nan ta contento cu Minister ta considera Departamento di Aduana hopi valioso, cu ingreso financiero, pero tambe cu control.

Tabata tin algun aspecto cu ainda ta pendiente cu Departamento di Aduana y Minister a splica cu ainda e tin cu sinta cu e director y leiding. Pero pa SADA, nan ta den un situacion cu nan a sinta hopi caba na mesa y cada biaha gobierno

ta cambia, y pa SADA gobierno no ta un continuacion.

Tin hopi aspecto cu ta sosodiendo unda mester sinta den un reunion tripartite den cual decisionnan por wordo cambia den conhunt cu Director.

Director ta esun cu ta tuma decision y hopi biaha e coleganan ta señala cu algun decision no ta corecto, anto riba esaki lo mester keda evalua ambos posicion y tuma un decision corecto cu ta na bienestar di e cuerpo y di pais Aruba.

SADA ta spera haya e mesun trato e biaha aki, na unda cu a sinta dos biaha caba cu e Minister y no a finaliza e agenda ainda. Tabata tin un encuesta unda mayoria di trahado a muestra nan mal contento con

cosnan ta bayendo. Tur e biahnan cu nan a sinta na mesa, tanto cu minister (anterior) y director, cada biaha e minister ta cambia su posicion. Y e ta tuma nan paso; e ta wak e bienestar di e cuerpo y di Aruba cual ta importante pa SADA. Ya caba SADA a sinta dos biaha caba cu e minister actual, y tur dos biaha no ta keda cla cu e puntonan di agenda, ya cu cada biaha ta trata cosnan cu a keda pendiente.

Pero e resultado di encuesta aki ta hopi importante unda cu mayoria trahado a expresa, y tabata un encuesta di leiding mes. Contrario na e encuesta anterior, na 2016, cu e resultado nunca a wordo conoci, pero no ta kere cu e resultado tabata diferente siendo cu e cosnan a keda empeora.

A bin bek riba decisionnan cu antes Minister a cambia manera e situacion na Airport y car rental, unda cu e minister a cay aden. Pa loko ta trata Kustsurveillance, SADA a keda bringa pe pa hopi tempo y danki na ex Minister cu a logra “grijp in” Duana a bin cu e funcion aki unda cu tabata considera tambe cu esaki ta funcion di Aduana.

Si Minister no a “grijp in” riba nan insistencia awe Cuerpo di Aduana no ta haciendo e

trabou aki, pasobra Cuerpo di Duana no mester warda pa haci Kustsurveillance, conhuntamente cu otro departamento siendo cu nan por haci riba nan mes. Esaki ta e trabou di Aduana rond di mundo y riba esaki Minister tabata haci cierto cambianan.

Riba e parti di estructura salarial enberdad a tuma nota cu Minister a haci un note di tratamiento den e presupuesto y esaki ta positivo. Pero si a wordo traha manera debe ser no por haci esey, kiemen e lo mester a wordo haci awo. Pero tabata tin convenio caba firma cu gobierno cu tin hopi peso mas cu un simple afspraak.

Sindicato ta keda bringa pa nan cuerpo bay dilanti y Director hopi biaha ta pretende cu no solamente garantiza e posicion legal di e trahado, pero den e statuto a pone hopi mas aspecto di kico sindicato tin cu haci, anto wak con aduana ta wordo mira den pueblo.

Si mañan ta wak cu directiva ta tuma decision cu ta perhudica trahado, sindicato mester señala esaki, y por mira cu e parti financiero ta den situacion dificil aworaki, SADA a trece dilanti hopi punto pa drecha esaki. SADA ta haya cu hopi decision cu leiding ta tuma, no ta na beneficio di

Aruba unda ta haya informacion tur dia pero tin cu presenta esaki na Minister prome pa tuma decision, siendo cu e problema ta bay keda escala. Sindicato ta señala e cosnan cu ta bayendo fout unda tin añanan mirando cu decision no ta bon tuma, y cu for di 2016 a bisa cu e seccion di Airport ta cla, pero te dia di awe e director no a cumpli. SADA no por keda warda te ora cu e director haya su gana pa por trece cambio. Promesanan ta wordo haci door di leiding, door di e director, pero no ta wordo cumpli.

Pa ultimo ta prueba cu un trahado mas contento e ta, mihor e ta haci su trabou, cu mas fervor. Pero encuesta di aña pasa ta muestra cu tin seis luna caba cu no tin ni un cambio den e maneho di e cuerpo y e coleganan ta bira mas frustra, siendo cu awor cu tin presupuesto y cu afirma un convenio salarial for di Juli cu mester a bay parlamento, e ta splica cu tin espacio den e presupuesto. Pero ora a reuni cu e miembronan prome, no a haya un update mas for di 15 di Maart y ta spera haya informacion pa e siguiente reunion. Te asina leu, lider sindical di SADA, sr. Eduardo Maduro a indica.

Voz i Landia escolar ta bek



ORANJESTAD(AAN): --- Voz i Landia tey bek. Esaki ta e competencia escolar den cantamento. For di Voz i Landia escolar ta hopi talento a resalta den canto. Un competencia masha bunita mes cu a stimula nos muchanan competi como estudiante. Voz i Landia Escolar 2018 - 2019 ta cushinando. Asina nos a tende. Ya caba nos a busca contacto

cu cabesante di O.L.V. Fatima College. E no a desmenti y a laga sa cu den e dianan nos dilanti lo yama un conferencia di prensa unda oficialmente lo anuncia tur cos den detaye. Sigur algo di aplaudi pasobra den su tempo, e festival Vozilandia tabata algo bunita. Exito for di awor aki caba na e organizadornan cu a keda kere den e festival.

Booshi Wever (UPP):

Otmar ta sigui bulldoze e incinerator pa aruba.

E ta "waste to energy" of un "waste of energy & money"?

Nos por a tuma nota cu di berdad Otmar no ta "give a damn" cu ningun hende. Ta e ta manda y no tin ningun hende pa par'e. El a "decreta" cu mester habri e frontera y ata Minister Presidente a core reuni cu e comision, siendo cu ta dia 3 di juni mester a reuni. Awor pa complace Otmar, ya otro siman lo tin un delegacion ta bay Venezuela pa habri e frontera.

UPP a denuncia e "fixed bidding" y sin un hik di minister nan y parlamento esaki a tuma lugar, combirtiendone nan mes tambe den complice di crimen contra nos pueblo. Nos a denuncia e mudamento di Serlimar pa Pos Chikito den e edificio di e financista y doño di POR, "geen haan die ernaar kraait".

Tambe nos a adverti pa e MEGA inversion di un incinerator cu en todo caso Aruba lo no por carga financieramente, sigur no awor cu a caba di hiba e pueblo na e altar di sacrificio. Sr. Tevreden a bisa hopi cla cu pa awor no tin espacio y cu mester tene cuenta cu otro prioridad. Otmar yuda pa gobierno a djies ignor'e y a simplemente "lapt zijn woorden aan zijn laars". Parce cu awor si tin espacio financiero despues cu e "crisisheffing" a pasa? Sr. Tevreden ta "tevreden" cu esaki? Nos a comprende cu Prome Ministre a reuni cu TNO (AVP) y e comision "handpicked" y cu e "expertonan" di e minister. Y parce cu MinPres tambe a keda convenci cu incinerator di repente ta e solucion? Loke

nos ta ripara tambe e falta di convergencia den gobierno, dor cu un minister ta scohe pa un formato di trata sushi y produci energia, mientras cu tin otro ministernan cu tin den nan cartera p.e. inovacion y asuntunan energetico y un otro tin ciencia y desaroyo duradero (sostenible). Den un gobierno unda e pais ta na prome lugar e ministerionan di Asuntunan General, Integridad, Inovacion y Energia, esta sra. Wever-Croes y esun di Enseñanza, Ciencia y Desaroyo Duradero, esta sr. Rudy Lampe, mester ta esunnan cu mester delinea e cuadro di un kico ta direccion of rumbo cu nos mester scohe pa loke ta e desaroyo sostenible di nos pais hunto cu e maneho y rumbo energetico cu ta cuadra den esaki. Ta na e momento ey ora cu tin e parti aki defini, un pais por bay scohe e forma cu ta trata e sushi y cu den opinion di UPP cu esun di "Waste to Energy" no ta esun mas adecua ni ventahoso pa Aruba.

Den nos articulo nos a purba di muestra cu un incinerator no ta cumbini Aruba pero ta parce cu ningun hende ta "give a damn". UPP en todo caso si ta "care" pa e pais aki y e pueblo Arubano.

E tin UPP como organizacion politico sumamente preocupa ora nos scucha e minister concerni y e gobierno actual bisa cu e solucion pa Parkietenbos lo ta e concepto di "Waste to Energy"! Segun e propio mandatario esaki lo bay costa entre 150 pa 200 mionon dollar. Nos

a consulta cu expertonan riba esaki y nos a bin compronde cu rond mundo e sistemanan di "Waste to Energy" via incinerator cu mas bien ta un kiamamento feroz ("mass burn") cu ta ser yama Conversion Technologies (CT), ta wordo cuestiona formalmente. Un di e motibonan principal pa cual hopi di e facilidatnan similar a cera y ta cerando nan portanan ta pasobra e gastonan di operacion ta extremadamente halto. Tambe ainda ta wordo cuestiona si e tratamiento di sushi aki realmente ta un forma di clean energy, debi na su efectonan di emision. Tambe e pregunta ta si nos ta produci suficiente sushi pa por garantisa un operacion estable y financieramente estable. Y un incinerator na final no ta contribui na consenshi general cu mester tin tocante re-use di desperdicio den un forma sostenible y cu ta cuadra cu e concepto di blue economy cu UPP a presenta den su programa di partido.

Ta p'esey UPP no por compronde cu e "expertonan" y TNO ta insisti riba un sistema asina. Of ta pasobra nan kier complace e mandatario den su locuranan y insistencia? E ta incomprendibel y sigur un ridicules di marca mayor con un gobernante por hinca den su cabes pa hinca Aruba den un aventura asina aki. Hopi rapportnan a prueba cu un proyecto asina, particularmente uno di e magnitud aki, lo nifica un otro debacle financiero. Ni na paisnan grandi tipo di projectonan asina

a resulta. Y pa colmo nos no mester bai leu, na Aruba nos tin e prueba. EcoGas ta un ehempel cu "Waste to Energy" no a resulta. Y cu pueblo, por medio di WEB a paga pe. E ta un manipulacion enorme, pa nos no bisa un mentira flagrante, cu cualkier politico of Gobernante por pretende cu dor di kima nos sushi nos por genera coriente y cu esaki lo bai reduci e gasto mensual di coriente. Rond mundo a wordo prueba cu esaki NO ta e caso, pio ainda, ta cientificamente prueba cu "Waste to Energy" ta e forma mas caro pa produci coriente. Ta parce cu e comision "handpicked" y e "expertonan" di e minister hunto cu e grupo elite cu AVP a usa pa manipula nos pueblo riba e concepto "GREEN" pa 8 aña largo, esta TNO, a convence nos Minister Presidente caba, segun nos por a compronde for di un comunicado cu gobierno mes a emití.

Ta p'esey nos speransa pa para e locura aki ta den man di pueblo y parlamento. UPP kier un biaha mas haci un yamada na Parlamento pa no laga, e minister Scorpion cu a converti su mes den e minister Octopus y e "manda mas" den e gobierno actual, conta nan un "sprookje"! Nos no ta laat ainda. Si Parlamento no para e locura y e afan di e minister aki pa un biaha mas faborece un amigo, nos lo bay haya cu placa di nos pueblo lo bay wordo derocha na unda nos sigur lo NO haya "Waste to Energy" pero un "Waste of Energy & Money!!". Mi ta spera cu parlamentarionan ta consciente cu e pueblo tin miras riba nan comportacion y lo husga nan si resulta nan tambe a para bira un "stempelparlament".

Booshi Wever.... Lider partido UPP

Pronostico di tempo

Alerta pa biento duro y lama localmente bastante bruto ta na vigor

ORANJESTAD(AAN)-- Awe lo ta levemente te parcialment nubla y nota spera awacero di importancia. Temperatura maximo lo ta 33 grado Celsius y temperatura minimo 27 grado Celsius. Biento lo ta modera te basta fuerte for di direccion oost; cu forza 4 te 5 (20 te 39 km/ora, 11 te 21 nudo)den dia fuerte te duro den rafaga; forza 6 te 8 (40 te 64 km/ora, 22 te 35 nudo) situacion general di tempo: E aire transporta pa nos region ta relativamente seco y pa e motibo aki no ta spera awacero di importancia den proximo 24 ora. e diferencianan di presion den area di Caribe ta relativamente grandi lo cual ta pone

cu tin un biento duro ta supla. condicion di lama: Olanan di lama lo ta for di direccion oost cu haltura di 4 te localmente 7 pia; e olanan di mas halto lo ta na costanan oost, noordoost te noordwest di e isla. ta suplica operador nan di boto chikito pa tene esaki na cuenta. temperatura di superficie di lama: 26 grado Celsius. Fenomenonnan special: ningun. Tempo tropical significante: tormenta sub-tropical Alberto tabata situa ayera tardi na west-noordwest di Tampa, Florida y ta moviendo den direccion noord. e sistema aki no ta forma peliger pa region local.

Desconoci a wordo tira na Centro medico na St. Maarten

ORANJESTAD (AAN) -- Un homber den Lotus Club na St.Maarten, pa motibonan desconoci a hay'e den discusion cu un hende muher formando parti di staf di e club noturo. E discusion lo a sali for di man na dado momento y cu e homber lo a usa un glas pa corta e muher na su cara. E situacion a bira mas serio den e club ora cu parce varios persona a keda herida.

Esnan herida a wordo hiba cu urgencia na e Centro Medico pa wordo trata.

Parce cu un persona desconoci lo a wak e agresor riba tereno di e Centro Medico y el a tira e homber agresor.

E caso lo a tuma lugar diadomingo mainta tempan.

Polis a wordo dirigi inmediato na Medical Center relaciona cu e sucedido y e victima lo tabata seriamente herida y su

condicion hopi serio, e prome informe a reporta.

Autoridad cu a presenta mesora a cera e area pa asina inicia mesora cu investigacion pa determina kico exacto a tuma lugar. Y ademas pa garantiza seguridad na Medical Center. Vosero di cuerpo policial ayera mes a manda comunicado di prensa den cual ta wordo menciona cu Diadomingo 27 Mei 2018 pa mas o menos shet'or di mainta tanto patrulla policial, recherche, departamento Forensic (tecnico) a wordo dirigi na Sint Maarten Medical Center pa investiga e tiramento cu a tuma lugar riba e parkinglot di emergencia di e Hospital.

Na e sitio investigadornan a indica cu e victima a wordo tira den parkinglot y despues di e tiramento e victima a wordo atendi pa e staf medico

y cu nan a transport'e inmediatamente pa sala di operacion pa e wordo opera mesora.

E victima a wordo tira y herida na banda drechi di su curpa parti ariba.

Segun e informe suminstra, e victima lo tabatin discusion cu un of mas persona den un Night Club mas trepan di e mesun anochi. E situacion na dado momento lo a sali for di man y a termina den tiramento riba tereno di Sint Maarten Medical Center.

Investigacion lo tin cu saca afor kico a tuma lugar y pakico e tiramento.

Recherchenan ta buscando testigo y pa compila informe ademas recherche tecnico ta colectando evidencia na e sitio pa asina tambe saca afor ki clase di arma a wordo usa, sea ta pistol, revolver y ademas e caliber di bala.

Casi tres kilo di marihuana confisca den taxi

ORANJESTAD (AAN): -- Dos homber Guyanes a wordo deteni cu bastante gram di Marihuana.

Segun informe policial di Surinam recientemente autoridad a detene e hombernan Guyanes, un di 37 aña Winston H, y e otro, John R. 50 aña, na Post di control na Slolkertsijver.

E dos hombernan sospechoso tabata sinta den un vehiculo di un Central di Taxi y tabata bay

direccion di Albina.

Polis a forza nan pa paran y control cu e polisnan a haci a resulta cu e dos hombernan aki tabatin hunto cu nan den e vehiculo 2.900 gram di Marihuana.

Hunto cu e bulto di marihuana e dos detenidonan a wordo entrega na e "Brigada Narcotica", cu lo interroga e dos detenidonan relaciona cu demas investigacionnan.

Deporte Local

Subway:

Exito tur participante "Walk & Run"!



ORANJESTAD: Awe ta e prome dia di e magno evento di Aruba Bank y Subway su Walk & Run. Awe tardi 6:30pm 2500 hende lo sali

for di Frans Figaroa y asina tambe duna inicio na e prome dia di e Walk & Run. 4 dia largo 2500 hende lo ta

riba cayanan pa complementa e 4 dia nan aki di caminata. Awe e caminata lo start den districto di Noord.

E bunita di e caminata aki ta cu bo ta wak diferente hende riba caminda. Di core donan, pa esnan cu ta gusta cana, unda hopi bes ta forma grupo pa bin cana hunto. Tambe hopi hende ta usa esaki como start y haci un challenge pa asina despues sigi cu un bida mas activo.

"Pa nos e Walk & Run ta significa hopi", Sr. Lee di Subway a cuminsa ta bisa. "E ta un evento cu ta pone hopi hende riba pia. Anto ora bo wak asina hopi hende riba caya ta haci ehersicio como Subway e ta haci nos orguyoso di forma parti di esaki. Paso nos ta para pa un bida mas activo y saludable".

Pa e gran evento aki durante 4 dia largo Subway ta duna tur participante cu presenta cu su BIB y su shirt di caminata bisti 10% descuento riba nan pedido.

Bo por bishita cualkier Subway su 7 localidadnan cu ta situa strategicamente rond di nos isla y cu ja caba for di 7:30am ta habri pa sirbibo e sub nan di mas dushi e fresco na Aruba te cu 11:00pm. Pues awe despues di bo caminata bo por refuel na un di nos localidad nan. Esnan mas serca of riba caminda pa of for di e caminata ta Subway Palm Beach, Paradera y Alhambra pero naturalmente por bishita nos otro localidadnan cu ta Dakota, Cura Cabai, Sta. Cruz of Renaissance Marketplace pa busca bo sub faborito y ricibi bo descuento.

Ta pidi tur automobilista cu lo ta den dstricto di Noord awetardi pa tene cuenta cu caminda nan sera y e participante nan cu lo ta riba caya. Gerente di Subway y tur su empleadonan ta desea tur participante hopi exito!

Bo sa pakico un cacho tin rabo



ORANJESTAD (AAN) - Despues di hopi tempo, e prikichinan a cuminsa bati hala ferozmente na Hoffi Prikichi exigiendo un Seso Sport manera tempo di nan tempo!! E conosido Lucas Croes y Chem Thiel ya tin dias sera den laboratorio ta brouw preguntanan exotico pa deleita no solamente e teamnan "high-tech" di awe'n dia, pero tambe e teamnan famoso y glorioso di antes manera Ramzak, Dombeheer, DOW, Papaya Ranch, DeCubaStars, Flor de Oriente, The Saints, Noord, y pa no lubida e Analfabestianan di e unico luga caminda abo no ta wak nan pero nan si ta wak bo, La Roca Rum Shop!

Si shonnan! E cos aki ta priminti di ta un sambobaso enorme, ora teamnan di ultimo tempo manera Powerpuff Girls, Nos tin Aden, No Problem, De Wijze Omas, y varios mas bay midi forsa cu e legendarionan di antes! E fecha inolvidable aki lo ta

ariba diadomingo 3 di juni, di 12:30 te cu 5:30 di atardi na e prestigioso Centro di Bario Ayo!

Shonnan, pa reservacion y inscripcion tuma contacto cu Sr. Lucas Croes via cell 594-1699 (e ta hende moderno y sa usa Whatsapp tambe), of via email ldjcroes@hotmail.com! Niun team no mester tin miedo, ya cu e team di Hoffi Prikichi mes no lo participa si no lo ta druk den e tremendo bar y cushina bon surti!!

Shonnan... diadomingo 3 di Juni benidero, cuminsando di 12'or y mei di merdia na Centro di Bario Ayo, amante nan di bon hersengymnastiek tin un compromiso pa saca cua team ta bay cu e titulo di campeon! Bo sa pa kico un cacho tin rabo? Bo sa ki ora geel ta bira corra? Bo sa di unda e dicho di rabo di porco ta krul ta bin? No??? Wel diadomingo 3 di juni yega pa 12'or y mei na Centro di Bario Ayo! Yegaaaa!!!

Deporte Local

Torneo infantil juvenil di Muay Thai tabata exitoso



den cumonidad y cu respet.

Mi kier a gradici na tur mayornan, famianan, amigonan y miembronan cu a asisti na e torneo aki pa duna nan un estimulo pa sigi hasi deporte, pa ora di representa nos bandera di nos dushi isla, pa hasi'e cu orguyo, semper cu cara na laira; dus un biaha mas danki na tur esunan cu di un of otro manera a yuda hasi esaki posibel y un danki na e refereenan di M.T.K.A, pasobra no tabata un trabao facil. Diasabra anochi tur pelea tabata duro pa tuma desicionnan pero un anochi hopi bon pa e atletanan y un pabien na tur esunan cu a gana y na esunan cu no a gana tin mas biaha, asina ta keda entrena y hasi bo best, asina bo tempo tambe lo yega. Sigur pabien! bosonan tur ta campeon pa mi, danki na bosonan tur y na mi mama, mi ta cansa pa yudami, love you mom!

Ata e resultadonan, prome pelea taba ta entre Milan Hoogenkamp v/s Yigal Kure, ganador Yigal.

Pelea entre Lyon Harms v/s Yordy Roaymakers ganador Lyon Harms.

Pelea 3, Nicolas Carsia v/s Georwin Nicolas ganador Georwin Nicolas. Pelea 4,

Andres Felipe v/s Kevin Trimon, ganador Kevin Trimon.

Pelea 5, Danja Kurc v/s Juan Pablo Giraldo, ganador Juan Pablo. Pelea 6, Juan Pablo Mantas v/s Juan Nathan Tromp, ganador Juan Nathan Tromp. Pelea 7, Axel Willams v/s Kieyon Herrqnez ganador Kieyon Herrqnez. Pelea 8, Jezaar van Putten v/s Justin Cole, ganador Justin Cole cu ta un bringador di instructor Stecy Hassell cu tambe a partisipa den e evento aki.

Pelea 9, Nicholas Petrochi v/s Jose Antonio Cornjo, ganador Nicholas Petrochi. Pelea 10, Xeander Tromp v/s Marwin Silvania, ganador Marwin Silvania. Pelea 11 y ultimo pelea di anochi tabata Rayner Xavier v/s Kennelth Villamizar, ganador Kennelth Villamizar.

Pabien na tur esunan cu a duna un bunita y gran pelea e anochi aki y sigi asina den number di Rygell Boye y staf di Dojo Boye Martial Arts Center.

Mayornan a gosa di tur e peleanan aki. Tremendo trabao Rygell sigi asina y Dios dunabo hopi mas pa sigi organisa esakinan pa nos yunan y futuro campeonan di pais Aruba pro juventud.

ORANJESTAD (AAN)--- Muay Thai Kickboxing Aruba a presensia e peleanan pa asina por saca e campeón di un dojo miembro di e bond.

Recientemente Diasabra a tuma lugar e campeonato di Muay Thai na Dojo Boye, pa organisa pa Rygell Boye, pa saca ken ta e campeón nobo di

e dojo y asina por pasa pa un otro nivel di pelea.

Manera nos a bin ta entrevista Rygell varios biaha caba, e ta bisa cu e gusta traha riba nos muchanan hoben pasobra e mes tambe a cumisa desde su 4 aña. Rygell ta splica tambe cu asina ta e mihor manera pa e muchanan yega na peleanan

grandi y bon prepara door di organisa eventonan chikito pa asina nan haya e confiansa cu nan mester ora di subi den un ring y pa motibo aki ta organisa e competencianan aki cual ta un bon preparacion fisica y mental pa nan y mi lo sigi traha y yuda nan pa nan yega nan meta y bira un mihor persona

DEPORTE INTERNATIONAL

Tremendo wega di Klay Thompson ta manda e serie di Western Conference pa di 7 wega



OAKLAND, Calif.: Awenochi ta bay tin un di 7 y ultimo wega den final di Western Conference di NBA, entre Golden State Warriors y Houston Rockets.

Diasabra Rockets tabata tin un ventaha di 3-2 den e serie y por a pasa pa final si nan lo a gana.

Sinembargo, apesar di cuminza e wega hopi bon, unda cu te hasta nan tabata tin un ventaha di mas di 15 punto na dado momento, Houston a perde e wega 115-86.

Na halftime ainda Rockets tabata tin un ventaha di 10 punto, pero Golden State a probecha entre otro di e hecho cu Chris Paul no

a hunga, door di un lesion di hamstring cu el a sufri den di 5 wega di e serie.

Warriors a permiti Rockets anota solamente 25 punto den di 2 mitad di wega, incluyendo apenas 9 den ultimo quart.

E homber grandi pa Warriors tabata Klay Thompson, kende a caba cu 35 punto, mientras cu Stephen Curry a contribui cu 29 y Kevin Durant a caba cu 23.

E medico y entrenadornan di Houston awor ta trahando duro riba e hamstring di Paul, pa duna e posibilidad quizas di hunga den e ultimo wega awenochi.

Indians ta anota 5 careda den di 9 inning y ta gana den di 14 inning



CLEVELAND: Diadomingo Cleveland Indians a bin bek den di 9 inning pa empata e wega, pa despues laga Houston Astros den tereno den di 14 inning.

Indians tabata tin un ventaha di 3-2 den di 6 inning, pero den di 8 inning Astros a anota 6 careda pa bay ariba 8-3.

Den nan ultimo chens den di 9 inning, Indians a anota 5 careda pa empata e wega 8-8, pa bay extra innings.

Den di 13 inning Houston a pensa di bay gana e wega, ora cu Evan Gattis a bati su di dos homerun di wega, pa duna nan un ventaha di 9-8.

Den bom di e mesun inning sinembargo Yonder Alonso tambe a bati un homerun pa empata e wega 9-9.

Den di 14 inning nobato Greg Allen a pone e score final na 10-9 pa Indians, batiendo su prome homerun pa Cleveland.

Manchester City ta paga Leicester City 85 milyon euro pa Mahrezy Derby ta papiando cu Lampard



INGLATERA: Manchester City ta muestra di a cumpra su prome hungador di number grandi pa proximo temporada.

Segun Daily Mail na Inglatera, e transferencia di Riyad Mahrez for di Leicester City ta practicamente cla.

City lo a paga Leicester 85 milyon euro pa e hungador.

Otro noticia cu a bin dilanti den prensa Ingles ta cu Derby County ta den combersacion cu Frank Lampard.

E ex hungador legendario di Chelsea ta para dilanti di su prome trabao como coach.

Lampard a confirma cu e ta papiando cu Derby County, cu ta hungando den English Championship, cu ta 1 liga bao di Premier League.

Derby a yega te semi final di e playoffs di promocion, pero nan a perde contra Fullham, cu a gana e playoffs y proximo temporada ta subi pa Premier League.

Ronaldo ta lamenta locual el a bisa despues di triunfo di Champions League



KIEV: Despues di bira campeon di Champions League cu Real Madrid Diasabra logrando un triunfo di 3-1 riba Liverpool, Cristiano Ronaldo a bisa algun palabra cu a pone hende pensa cu esaki tabata su ultimo temporada na Madrid.

“Tabata tremendo pa por a hunga pa Real Madrid”, Ronaldo a bisa den un entrevista.

Ora cu e periodista a puntre si esaki kiernen cu e ta bay bandona Real, e Portuguez a bisa: “E fanaticonan

cu semper a apoyami ta bay haya contesta dentro di algun dia”.

Den un entrevista cu FoxSports despues Ronaldo a bisa cu e bimester a bisa locual el a bisa.

Coach Zinedine Zidane y presidente Florentino Perez a reacciona mesora riba locual e atacante a bisa.

“Cristiano ta hopi contento akinan y e ta bay keda na Madrid”, segun Perez.



Noticianan for di Hulanda

Automobilista a ataca agente policial despues di accidente



HOOFFDDORP: Diadomingo atardi un automobilista a wordo deteni, despues cu el a ataca un agente policial motoriza.

E polis a wordo herida y mester a wordo transporta pa hospital door di su colega.

E chofer riba un parkinglot banda di A4 na Hoofddorp a dal cu su auto den un bloki di beton.'

Den su auto tabata tin un señora di edad sinta, kende a wordo herida door di e golpi.

Mientras cu personal di ambulans tabata atende cu e muher, e homber a bira agresivo.

Segun Haarlems Dagblad, a tuma algun polis pa por pone boei riba e homber.

Lamper ta dal den cas na Cuijk



CUIJK: Lamper a dal den un cas den Haagsestraat na Cuijk Diadomingo atardi.

Door di esaki e cas a coi candela y esaki a causa hopi daño.

Henter e piso di ariba a kima por completo y no por wordo habita.

Afortunadamente ningun hende a wordo seriamente herida.

E habitantenan di e cas a wordo examina si den ambulans.

Segun testigonan, nan a wak un bala di candela grandi y nan a tende un sonido fuerte.

Diferente truck di brandweer a aparece na e sitio pa combati e candela.

Seis participante di Marathon di Leiden a bay hospital door di problema cu calor



LEIDEN: Durante e marathon di Leiden Diadomingo, 6 hende mester a wordo transporta pa hospital despues cu nan a sucumbi door di efectonan di calor.

En total 25 deportista a wordo afecta pa e caloir inmenso.

Un total di 110 persona a haya lesion segun Rode Kruis.

A wordo bisa cu tabata tin hende cu

mester a wordo reanima, pero organizacion di e careda a contradeci esaki.

Servicionan di emergencia tabata presente si den gran cantidad riba Boommarkt y Aalmarkt.

Pa yuda alivia e calor un tiki, brandweer tabata spuit awa riba e corredornan riba Aalmarkt.

Piloto di KLM deteni na Noruega, despues di control di alcohol



NORUEGA: Un piloto di KLM a wordo gara riba uso di alcohol, ora cu un control a tuma lugar riba aeropuerto di Oslo.

E piloto mester a hasi un vuelo di Oslo pa Schiphol.

E homber a wordo deteni y lo keda sigur dos siman den cel.

KLM no kier a duna mas detaye riba detencion di e piloto.

"Nos no kier bay mas profundo riba e caso, pasobra tin un investigacion andando".

"Locual nos por bisa si ta cu consumo di alcohol y bula avion no ta bay hunto", segun KLM.

Noticia Internacional

Mericano deteni na Venezuela a yega Merca

Washington lo mantene sancionnan economico contra Venezuela apesar di liberacion di mormon Mericano, Joshua Holt, un “gesto” cu Caracas ta aspira activa un dialogo cu gobierno di Donald Trump.

Holt y su casa, e Venezolano, Thamara Caleño, a reuni diasabra na Cas Blanco cu Trump, horanan despues cu nan a wordo libera na Caracas despues di pasa casi dos aña deteni, acusa di conspira contra gobierno di Nicolas Maduro.

“Mi a pasa den hopi cos. Hopi mas di loke hende por soporta”, Holt a bisa Trump den Oficina Oval, dilanti di mayornan di Holt, legislador y funcionarianan cu a participa den negociacion-

nan pa liberacion.

Senador Bob Corker, cu reunion na Caracas, siman pasa diabierna, cu Maduro a habri caminda pa

salida di Holt y su casa, a conta cu e expectativa riba e salida a keda te na final, pasobra hasta ora nan tabata a punto di despega di

Caracas, e piloto a bisa cu tabatin un problema cu un instrumento di e avion.

E hoben di 26 aña a wordo deteni dia 30 di Juni

di 2016 hunto cu su casa, acusa di posesion di armanan di guerra, cu segun famia di Caleño, tabata armanan di e squadron cu a detene nan.

- “Sin cambio” -

Pero Washington a adverti cu esaki no ta nifica un cambio di nan posicion contra Caracas, cu nan a impone sancionnan economico nobo despues di reeleccion di Maduro den un eleccion cu nan a considera “unfarsa”.

“Mi ta hopi contento cu Josh Holt ta bek na cas cu su famia. E sancionnan lo sigui te cu democracia regresa na Venezuela”, vice presidente Mike Pence a skirbi riba su cuenta di Twitter.



Maduro a acusa Santos di prepara un “enfrentamento militar” entre Venezuela y Colombia



CARACAS: Presidente di Venezuela, Nicolas Maduro, a acusa presidente Colombiano, Juan Manuel Santos, di intento di provoca un guerra den frontera comun di e paisnan.

E eleccion polemico di Venezuela, cu a resulta den reeleccion di Maduro pa seis aña mas den gobierno, a wordo rechaza pa Bogota, como pa otro paisnan di America Latina, Merca y Union Europeo.

“Mi ta denuncia dilanti di mundo cu Juan Manuel Santos ta preparando planan macabro pa laga un situacion comprometida, en-

frentamento militar entre Venezuela y Colombia den frontera”, Maduro a bisa den un discurso despues di huramento dilanti di Asamblea Nacional Constituyente.

Maduro no a duna detayenan riba su denuncia, ni tampoco ta prome biaha cu e ta indica cu Colombia supuestamente ta busca un conflicto.

E mandatario, ideologicamente contra Merca y Colombia, a haci un yamado na Forzanan Arma Colombiano “pa no acata na ningun provocacion”.

E tambe a pidi su Forzan-

an Militar un nivel maximo di “inteligencia” y “prevencion” den defensa di pais, cu ta comparti 2.200 kilometer di frontera cu Colombia.

Dianan prome cu eleccion na Venezuela, presidente Santos a ordena su Forzanan Militar pa aumenta seguridad y controlnan den frontera binacional pa impedi transito di votadornan di Colombia pa Venezuela.

Miles di Venezolano a cruza frontera pa Colombia pa huy di hiperinflacion y escasez di productonan esencial.

Colombia ta bay realiza nan prome vuelta di eleccion presidencial riba dia-domingo.

Miles di lamper a afecta vuelonan di aeropuerto di Reino Uni



LONDON: Hasta 20.000 lamper a cay riba Reino Uni durante un tormenta, y un aeropuerto den area di London mester a pospone vuelonan pasobra sistema di reabastecimento di combustible di avionnan a daña, meteorologonan a splica.

Aeropuerto di Stansted a informa ayera cu un Imper a laga sistema di combustible “inactivo pa un tempo den horanan di mainta. Ingenieronan tabata na e sitio y ya a restaura e sistema, sin embargo, e vuelonan por tabata afecta pa desvio, tardanza of cancelacion”.

Mas di 200 vuelo a retrasa na Stansted. Otro 31 salida y 18 yegada a wordo

cancela, segun FlightStats, un website cu ta informa riba vuelonan.

E aeroportunan di area di London tabatin mas actividad di lo normal pasobra Gran Bretaña ta disfrutando d un fin di siman largo, y e aerolinea Ryanair no por a indica cantidad di vuelo c a wordo afecta den e aeropuerto debi na fayon di sistema di abastecimento di combustible, pero nan a ofrece placa bek y campeonan di vuelonan.

Meteorologo Charlie Powell a bisa cu e informacion a sugeri cu tabatin “entre 15.000 y 20.000 lamper den Reino Uni den transcurso di anochi pa mainta”.

A celebra cumpleaños di Elio Heronimo



Recientemente famia Heronimo cu gran placer a celebra e di 75 cumpleaños di nos 'Opa Elio'. Cu Dios bendishona Elio y tambe full famia pa por celebra hopi aña mas hunto. Un sunchi y braza ta bai pa Opa di parti di su casa Jeanette, su yiunan Omar y Lina, Gio y Yeritsa, Marisol, Alexi y Jolina. Su nieta y nietonan: Sheidy, Dylan, Dwayne, Steve, Francis, Elise y Nolan. Pabien Opa Elio.





MIX 'N MATCH

**BUY 1 MEDIUM
1 TOPPING PIZZA**

**+CHOOSE 2
OF THE FOLLOWING
5 ITEMS:**



2 LITERS
OF COKE

**FOR 33⁰⁰*
AWG**

* Excluding BBO / BAZV and Delivery Charge.



LAVA CAKE



CINNASTIX®



STUFFED CHEESY BREAD



32 PARM. BREADBITES

PALM BEACH 586 0333
TANKI LEENDERT 582 0333
SAVANETA 584 0444
BOULEVARD 583 0333

**GO TO
DOMINOSARUBA.COM**



Offer is not valid in combination with any other Domino's Aruba Offer or promotion. Best Pizza Aruba N.V. reserves the right to stop the promotion at any time without prior notification. Prices do not include BBO / BAZV. This Offer is valid until further notice.

Cu un evento special di 'dog walk'

Aruba Marriott ta contribui na e programa di 'Stimami Sterilisami'




ORANJESTAD (AAN) – Aruba Marriott recientemente a organisa un 'dog walk' hopi special pa su asociadonan y nan famia pa asina promove bienestar, salud, tempo cu famia y alaves pa recauda fondo pa e programa di 'Stimami Sterilisami'.

Un total di 110 participante y 30 cacho di diferente rasa a reuni den e parking lot di Aruba Marriott su Grand Ballroom pa asina disfruta di un caminata cu nan mascota, disfrutando di nos isla su paisahenan bunita y tambe di e bahada di solo. Adicionalmente, Aruba Marriott a print t-shirts pa bende como tambe bandanas y treats pa e mascotanan, di cual tur e fondonan genera a wordo entregacomodonacion na 'Stimami Sterilisami'. Na final di e caminata, diferente premionan a wordo rifa entre e participantenan y nan mascotanan como tambe a parti snacks saludabel.

E movimiento di 'Stimami Sterilisami' tin como obhetivo pa reduci e cantidad di cacho y pushanan riba caya door di sponsor e gastonan di sterilisacion y castracion y alaves por medio di concientisacion dentro di e comunidad riba e importancia di duna e cuido apropia na mascotanan. Tambe doñonan di cacho y pushanan por registra pa un prijs special pa sterilisa y castra nan mascotanan por medio di e programa aki.

Aruba Marriott a organisa e 'dog walk' special aki como



parti di Marriott International su esfuersonan pa promove bienestar, salud y felisidad entre su asociadonan como tambe duna bek na comunidad por medio di e Marriott Take Care Program, cual ta un iniciativa cu ta sostene Marriott International su cultura di 'Putting People First'. Esaki ta encera bienestar fisico, emocional, profesional y financiero. Por medio di e programa

aki, Marriott ta yuda su asociadonan enfoca riba nan salud y e importancia pa cuida nan mes y cuida nan comunidad manera cu nan ta cuida nan huespednan.

Esnan cu ta interesa pa cuminsa nan carera na Aruba Marriott por bishita www.marriott.com/careers pa asina repasa e posicion nan di trabou cu ta habri actualmente.

Noticia Internacional

Candidato Ivan Duque a gana prome vuelta presidencial Colombiano



BOGOTA: Candidato di partido uribista Centro Democrático, Ivan Duque, ta virtual ganador di prome vuelta di eleccion presidencial di diadomingo na

Colombia, segun datonan oficial.

Duque y izquierdista Gustavo Petro lo disputa pa Presidencia di Colombia den di dos vuelta di dia

17 di Juni, segun resultado di eleccion, cu un 99,46 % voto conta.

Datanan oficial di Registro Nacional, entidad organizador di e eleccion, a

mostru cu Duque, di Centro Democrático, a obtene 7.539.930 voto, equivalente na 39,11 %, y Petro, di Colombia Humano, a ricibi 4.838.639, cu ta representa 25,10 %.

Na di tres lugar a keda Sergio Fajardo, di Coalicion Colombia (centroizquierda), cu 4.579.684 voto (23,76 %) cu su seguidor nan tabatin speranza cu por tin un sorpresa y e por a bay participa den di dos vuelta, pero definitivamente e no a alcanza pa kita bentaha di Petro.

Na d cuatro lugar a keda ex vice presidente German Vargas Lleras, cu 1.400.648

voto (7,26 %), y na di cinco, ex hefe negociador di Gobierno cu FARC, Humberto de la Calle, di Partido Liberal, cu 398.217 voto (2,06 %).

Fajardo y De la Calle a discuti durante simannan e posibilidad di haci un alianza pa prome vuelta, intento cu a fracasa, y cerca di 255.000 voto cu a falta pa e candidato di Coalicion Colombia pa pasa pa di dos vuelta ta un poco menos di e candidato liberal.

E lista a cera cu pastor evangelico Jorge Trujillo, di movimiento Todos Somos Colombia, cu 75.502 voto (0,39 %).

DIARIO Telefon 5826747 /

Fax 5828551

Tipline 5822239

Ex zar petrolero di Venezuela a adverti caida economico

BOGOTA: Produccion di petroleo na Venezuela lo sigui cay como consecuencia di reeleccion di presidente Nicolas Maduro, ya cu e mandatario socialista ta dirigiendo e pais riba un caminda cada biaha mas autoritario, cu ta disminui inversion priva y ta genera mas sancion internacional contra su gobierno, segun ex zar petrolero di e pais Sudamericano.

Den un entrevista, Rafael Ramirez a critica Maduro, señalando cu despues di su recien victoria electoral, e presidente no a duna indicio cu e ta bay reverti politicanan culpable di hiperinflacion y escasez generaliza.

“E demonianan ta los”, Ramirez a declara den entrevista via telefon desde un sitio no revela. “Maduro ta

insiste den mesun discurso. E no ta asumi ningun responsabilidad”.

Maduro a hura menta pa seis aña mas, despues di gana eleccion sin problema, un eleccion cu a wordo boicotea pa partidonan opositor mas importante y cu a wordo rechaza pa gobiernonan di otro paisnan. Gobierno di presidente di Merca, Donald Trump a dicidi di reforza sancionnan contra Venezuela, loke ta haci mas dificil pa compania petrolero estatal PDVSA recauda placa necesario pa paga nan debenan y stimula produccion.

Ramirez, kende a lidera industria petrolera di Venezuela durante un decada te cu 2014, a bisa cu investigacion cu a cuminsa aña pasa y cu consecuencia di aresto di mas di 80 gerente

di PDVSA _entre nan e presidente di e compania_, como tambe e detencion di dos gerente di Chevron, a paraliza produccion.

Desde cu Ramirez a wordo retira di su cargo como Minister di Energia y hefe di PDVSA na 2004, produccion a baha casi 40%, na 1,4 miyon di bari di petroleo pa dia, e nivel mas abao den siete decada. E ex funcionario a pronostica cu, te cu Maduro cambia rumbo, pronto esaki por cay na 900.000 bari pa dia, cu ta nifica cu gran parti ya a wordo bendi cu un perdida enorme riba nivel nacional of uza pa paga debenan cu China y Rusia.

Ramirez tambe a señala un decreto recien firma pa Maduro cu ta duna e re-

cien nombra presidente di PDVSA, teniente general Manuel Quevedo, poder nan special pa reescribi terminonan di companianan filial di PDVSA cu companianan petrolero extranhero, cu ta eludi supervision constitucional di parti di Asamblea Nacional controla pa oposicion.

Ramirez, kende tabata cerca di fayecido presidente Hugo Chavez, a renuncia na December su cargo di embahador Venezolano den Nacionnan Uni den medio di un disputa publico cu Maduro relaciona cu direccion di politica economico.

Na Januari, fiscal general Tarek William Saab a anuncia cu e lo busca aresto di Ramirez pa supuestamente

beneficia di benta ilegal di petroleo. Varios socios cercano, entre na su sobrino, a wordo deteni na Venezuela y dos ex funcionario a wordo aresta na Spaña aña pasa, cumpliendo un orden di detencion di Merca, cu ta forma parti di un investigacion lidera pa fiscalnan na Houston pa corrupcion den PDVSA durante periodo cu Ramirez a dirigi e compania.

Ramirez a rechaza acusacionnan y a bisa cu su consenchi ta limpi. El a bisa cu desde cu el bandona Merca aña pasa, el a biba den varios ciudad rond di mundo y a evita regresa Venezuela pa miedo cu e lo wordo aresta.



“like” us on
facebook
facebook.com/diarioaruba

Noticia Internacional

Mas di 5.000 persona evacua na Cuba pa awacero asocia cu tormenta Alberto

HAVANA: Mas di 5.000 persona den provincianan Sancti Spiritus y Villa Clara, den centro di Cuba, a wordo evacua debi na aumento di nivel di rionan y inundacionnan causa pa awacero intenso den ultimo dianan asocia cu tormenta subtropical Alberto.

Den provincia central Sancti Spiritus, un di esnan mas afecta, 3.600 persona a wordo evacua pa peligro di inundacion di represa Zaza, esun mas grandi di e pais.

Zaza tabata retene 949 miyon meter cubico di awa, un 103 % di e volumen cu nan por almacena, y te cu diasabra, nan a basha 50 miyon di meter cubico.

Awacero a aumenta den ultimo 24 hora hasta 356 miyon di meter cubico di awa den damnan di e isla



y 96 di nan ta yen, segun especialista di Instituto Nacional di Recursonan Hidraulico (INRH), Argenio Fernandez.

Pa ilustra cantidad di awa cu e isla a haya den ultimo 48 hora, e experto a bisa cu nan a registra 74 milimeter di awacero, loke ta 54 % di volumen cu a cay durante

luna di Mei.

Segun pronostico di Instituto di Meteorologia local, awacero fuerte y intenso lo persisti den algun area durante siguiente 24 hora debi na bandanan externo di e tormenta subtropical Alberto, como tambe humedad halto relativo.

Lider di FARC a vota pa prome biaha den un eleccion pa trece reconciliacion

BOGOTA: Lider di partido Colombiano, FARC, Rodrigo Londoño, conoci den su epoca di gueriero como "Timochenko", a vota den eleccion presidencial di e pais, cu tabata prome biaha cu el a vota den su bida, cu esperanza cu eleccion por ta un dia di reconciliacion.

"Nos ta akinan, bibando un momento hopi especial, e invitacion ta pa tur hende eherce nan derecho y nos haci e dia aki uno di reconciliacion entre tur

Colombiano", segun lider di partido Forza Alternativa Revolucionario di Comun (FARC), cu den nan prome eleccion sin arma, no a presenta candidato.

Londoño, di 59 aña, a confesa cu el a sinti nervio y emocion den su prome votacion presidencial, y e tabatin miedo di ekiboca y marca e carchi electoral pa opcion blanco.

Relaciona cu un pregunta si e tin miedo cu un presidente nobo por altera e acuerdo di paz, e a asegura cu

"tur cambio ta trece miedo" pero el a agrega cu "mester tin expectativanan".

Mas di 36,2 miyon di Colombiano a wordo convoca pa vota pa elegi e sucesor di Juan Manuel Santos, kende lo dirigi e pais entre 2018 y 2022.

Candidato uribista Ivan Duque ta faborito den tur encuesta contra Gustavo Petro, di partido Colombia Humano, y candidato Sergio Fajardo.

Spaña a rescata mas di 500 imigrante den Mediterraneo



BARCELONA: Autoridadnan Spaño a rescata mas di 500 imigrante den fin di siman desde mas di 10 boto cu a realiza viahe peligroso den Mediterraneo pa yega Europa.

Despues di buskeda de avion y helicopter, barconan Spaño a rescata casi 400 imigrante den nuebe boto riba diasabra, autoridadnan a informa. Te cu diadomingo atardi, otro 250 imigrante a wordo res-

cata desde ocho boto, tres di nan den mal condicion y despues a hundi, nan a agrega.

E imigrantenan tabata di varios pais di noord Africa y Africa subsahariano

E cantidad di persona cu ta cruza pa Spaña via lama desde noord di Africa, a aumenta significativamente den ultimo añanan, mientras cu yegada pa Italia y Grecia desde Libia a disminui.

**DIARIO Telefon 5826747 /
Fax 5828551
Tipline 5822239**



(FILE) Potret saca dia 21 di October, 2017 (L-R) ex Presidente, Jimmy Carter, George H. W. Bush, George W. Bush, Bill Clinton y Barack Obama a atende concierto pa recauda fondonan pa horcan na College Station, Texas. George H. W. Bush, di 93 aña di edad, e di 41 presidente di Merca a wordo hospitaliza den Centro Medico di Maine, despues cu el a wordo diagnostica cu presion abao y fatiga, segun su vocero Jim McGrath. El a agrega cu e ex presidente tabata conciente y alerta.



Pa chica Pos - Habri tubería y wc.
Servicio lihe y confiabel.
 Experiencia ta manda
CICLONE
 Septic Tank Service
Tel: 564-0607 / 734-0607

Torres
 Chica pos Septic tank
 Servicio pa Cas, Company, Hotel etc.
Tel: 588-7805 Cell: 593-9534

TA HUUR
 Apartment na
 Schotlandstraat,
 pa dia, pa siman y pa
 luna Cel: 594 4945

**Orange Matras
Fabriek**
 Nos ta fura matras,
 boxspring y stul.
 Busca mainta y trese
 atardi. Jama: 588-7468 /
 593-4387

Ta Bende
 Hummer H 3 2006, white
 full equip, den bon condicion
 4x4, power window,
 sunroof, airco etc.
 Prijs Afl 26000.00
 Cel: 737 7269

For Sale
 2009 Hyundai Tucson GS
 automatic, a/c. Good
 condition recently serviced
 ready to go. PRICE:
 Avg. 11.500,- Negotiable.
 Mobile: 594-0466.

For Rent
 Per 1 juni apartment grandi
 full muebla na Boton
 Santa Cruz inclui cabel,
 gas y serlimar Awa y coriente
 apart coriente pre pago
 737 7077

Construccion
 Traha cas, apto, renobacion,
 lanta cura, pega bloki, mosaico,
 pleister, dak, electricidad, verf,
 plumber, carpinteria. Nos ta
 responsabel y cumplidor.
 Bon prijs. Cel: 593-3141

Te Huur
 Appartment voor max 4 pers
 2 slaapkamers, badkamer,
 woonkamer met keuken.
 Eigen porch compleet
 gemeubileerd incl internet /
 cable. 1200 awg per mnd.
 WhatsApp 0031619592868
 WhatsApp 002975645527

**BO MESTER DI WASTE BUCKET RESIDENCIAL
OF COMERCIAL?**

ecotech

Mr. Bucket
 594-3757
 mrbucket@ecotech.aw

20 yrd Big Bucket 15 yrd Junior Bucket 10 yrd Small Bucket

LUJAN
 Septic Services
CHICA POS!
Tel: 592-8366 / 588-6877

Glassco

- Glass & mirrors cut to size and shape
- Polishing, drilling & glass replacement services
- Fast service

Tel. 583-4784
 Caya Betico Croes 162 B

D'La Rosa
CHICA POS
 Pa servicio di
 habri tubería,
 area di hotel tambe.
562-2059 Pos Chiquito 25-G
585-8534 Aruba

Ta busca
 Auto mechanic pa
 car rental, Tel 586
 1709, Koyari 30 - B
 Noord, 731 8885

Ta Huur
 Apto di 1 dormitorio, muebla
 pa soltero (a) of pareja
 Afl.900,- pa luna,exlui awa y
 coriente, inclui cable+wifi
 Interesa jama 593-5761 of
 593-1367

MR. FAKUNDA AFRICAN

No tin ningun problema cu no
 por wordo solucionacion
Mr Fakunda African Spiritual
 Healer por judabo. **Fakunda** por
 reuni amonan, trece e ser ker
 bek pabo, kita mala suerte y
 wowonan malo, problemanan
 matrimonial, pone exito nan den
 bo negoshi y duna claridad den
 corte y mucho mas. Si bo kier
 wordo juda espiritualmente, anto
 jama **Fakunda** y haja un cita pa
 bishite. Jame awor aki mes na
740-2206. 100% GARANTISA.
CUMANA, Lo convenebo
 den 5 minuut.

BOBCAT SANTO
 Rent Bobcat, tin graniet blauw
 y normal, demolicion, yena
 baki, fundeshi, rosa tereno,
 bende santo y piedra.
 Mesora!
 Cel: 592-3424 / 592-1156.

YOS
 Septic Tank Services
 Chica pos. Habri tubería.
Nena Dirksz • (+297) 748-2689
Jose Dirksz • (+297) 566-6144
 Paradijs# 09, Oranjestad, Aruba

**HOTEL USED
FURNITURE**
 Nos a caba di ricibi mas muebles,
 cama tur size, set di comedor,
 patio set y mucho mas. Tel: 585-
 9855 / 741-7432, Cumana 69,
 Dialuna pa Diasabra, 9:00 pa 6:00

**Home Sweet Home
Real Estate**
 Ta bende un cas na
 Wayaca Residence,
 3 kamer, 2 baño , 2 piso,
 full cura, Afl 500.000.=
 Jama Ansha 592 9966

Alquiler de
 apartamentos incluido
 todos los servicios
 aqua ,luz , wifi, cable.
 Para informacion llamar
 741 6967 / 561 8645

**Pro Cabinet
& Handyman**
 Pa tur trabow di cabinet.
 Tambe roofing, Pipefiting,
 Painting & General
 Maintanance, 563 1832

Oferta
 Riba trabow di
 construction nos ta traha
 cas te na jabi, apartment,
 cura, pleister, mosiac, etc.
 564 9335

Gratis
 Auto bieuw den cura? Nos ta
 piki nan pa benta afo, pornada.
 tambe nos ta piki auto, bateria,
 wasmachine, stoof, frigidaire,
 etc, pornada. jama nos na
 tel 561 4297 of 561 5179

Ta busca
 Security guard masculino, edad entre
 25- 45 aña, Mester tin Mavo diploma
 of enseñansa equivalente.
 Mester por papia y scirbi paiamento ,
 hulandes, ingles y spaño . Mester tin
 propio transporte, Interesadonan por
 jama oficina entre 08.00-16.00 pa un
 cita Tel 588 3677

Ta busca
 Security guard masculino part timer ,
 edad entre 25- 45 aña . Mester tin
 Mavo diploma of enseñansa equivalente
 Mester por papia y scirbi paiamento ,
 hulandes, ingles y spaño . Mester tin
 propio transporte.
 Interesadonan por jama oficina entre
 08.00-16.00 pa un cita Tel 588 3677

To rent
 Apartment with 3 bedrooms, big
 social area, kitchen, living and
 dining room, terraza, 2 inverter
 airco, semi furnished, second
 floor. Simeon Antonio, Buenavista
 2 A, Tel 594 5576 close to Airport
 and Barcadera

MONTAS EXCAVATION
 Nos ta bende santo
 di pleister, pega blokki,
 piedra y granito.
 Bon prijs.
 Tin servicio di bobcat.
Tel: 567-5282 / 565-8639

FELIX EXCAVATION
 Santo, piedra, graniet
 blauw y normal. Tur sorto di
 servicio di backhoe. Mesora
 y bon prijs. Cel: 563-1116
 Whatsapp 699-9799.

TOP TINT
 Tel 582 7192 /
 Cel 730 3957 Ta tint bentana
 di auto, cas of oficina.
 Trabou ta profesional y
 garantiza. Situa na
 Tanki leendert 100 E

Ta bende
 Pick up Chevrolet
 Colorado 2007, a/c /
 manual, Afl 7500.=
 594 5188

Associated Realtors
 Ta Bende Un cas na Weg
 Seroe Blanco / San Nicolas di
 2 kamer y 1 baño, cu bijbouw
 bao construccion, na 68% di
 su balor y pa Afl260.000.00.
 Jama Mito na 593 6318

Associated Realtors
 Ta Bende Un tereno
 propiedad di 267 m2 na
 Modanza y pa Afl
 66.750.00 jama Mito
 na 593 6318

Associated Realtors
 Ta Huur Un luxe apartment
 na Kunuku Abao/ noord,
 full muebla , exclui utilidades,
 pa un persona / pareha y pa
 Afl 1200.00 pa luna
 mas un luna deposit.
 Jama Mito na 593 6318

Associated Realtors
 Bo tin un tereno cu of sin
 fundeshi of un cas bao di
 construccion y lo kier bende,
 pero no sa con tur e
 tramitenan ta?
 Anto jama mito na 593 6318

Bonita Upholstery
 Nos ta fura tur sorto di
 muebles, sofa, matrass,
 stoel, car seat, etc.
 Tel: 585-9855 / 741-7432,
 Cumana 69, Dialuna pa
 Diasabra 9:00 pa 6:00

Ta Fura
 Tur tipo di muebles,
 auto, boto y toldo tur tipo
 di carpinteria y
 reparaciones evanista
 Cel: 746-0518 Celina

DIRECTV
 Futbol Mundial
 Russia 2018
 HBO, Movie City, Fox News,
 Sports& Kids.
 Bon prijs , bon servicio
 High definition
 Jama awo cell 733 5762

Jumbo
 Septic Tank Service
 Chica pos - Habri Tubería
592.64.76
566.47.96
 24/7 SERVICE
 Montaña 35
 Tambe nos ta traha pa riba di Brug

For rent
 Spacious 1 bedroom
 apt with a/c.
 Pos Chiquito 25 C.
 Price 800.= p/m
 Cel 594 5169

DRD Septic Service
 Ta duna servicio di chica pos,
 tubería, awa pa fundeshi y awa
 pa muha mata.
592-9999
594-8400

ATCO
 ARUBA N.V.

- ✓ Land Cleaning
- ✓ Container Hauling
- ✓ Demolition
- ✓ Excavation
- ✓ Heavy Transport and Lifting
- ✓ Material Transport in Bulk Sizes

TEL: (297) 523 6600
FAX: (297) 582 7108
infoatcoaruba@atco.aw

Find us on Facebook

**Petro Construction
& Electrical**
 Nos ta traha cas completo,
 cura,renovacion, traha dak y
 verf tambe. Bon trabao y
 bon Prijs. Nos ta traha oferta.
 Cel 661 5913

Promocion
 Tin tur sorto di arena ,
 piedra, granito
 Tambe ta corta mata
 grandi y chikito
 Tel 562 2532

TA HUUR
 UN APARTAMENTO STUDIO
 MUEBLA FL.600.- MAS DEPOSITO
 AWA Y CORIENTE NO TA INCLUI

Y OTRO APARTAMENTO
 DI DOS DORMITORIO
 NO MUEBLA FL.1200.-MAS DEPOSITO
 AWA Y CORIENTE NO TA INCLUI
 SITUA NA ORANJESTAD
 CEL: 594-4368

FLEAMARKET
ROCOO PLAZA
 Tanki Leendert Road 4 A
DIADOMINGO 3 JUNI
Start 9 am BIG SALE
Antiques&OUTLET
Open dial-dia9-4 pm
Dia di mercado 9-1 so
 Jama pa info : Ph. 7415640
 Wholesaler BubblePlastic

MENU SPECIAL
Dialuna 28 Mei

SHAHAI TAKE AWAY
STA. CRUZ • Tel: 585-7022

Carne a la plancha,
chickencuts small y
sopi carni

APPLIANCES REPAIR
Nos ta drecha
wasmachine, dryers,
frigidaire, stoof, forno,
microwave, etc. Delivery
cu garantia. Tel: 565-4234

CHAPI
Tur hardin general,
corta mata, benta
sushi afo. Nos tin
bon prijs.
Cel: 569-8003

**Artistic at
Holiday Inn Hotel
in the lobby
Closing Sale**
Up to 50% discounts
Gold, Silver and Porcelain
Tablecloths
Come & See!!!

DOG LOVERS 15
Grooming Services N.V.

Baño, contra carpata, sarna y
purga. (Ta inclui corte di huña,
limpieza di orea y kita konopi)
Nos ta haci tur sorto di corte.
Miembronan cu nan mes ta trece e
cacho lo haña e di 6 baño GRATIS.
(Mester trece entre 7.30 pa 9.30 am)

Tel/Fax: 587-0387 / Cel: 592-9673
Shaba 4, Dialuna pa Diasabra
8.00 pa 12.00 'or.
Corda di jama un dia prome pa haci cita!

AVISO
Nos ta huur bo cas
of apartment den
tempo record.
Yama: 593-8082

CORSOW
Ta huur apartment na
Corsow pa \$ 55.00
pa dia. Pa mas info:
5999616969

PA AVISO aviso@diario.aw

SERVICIO SEPTICO

eco tech

- Residencial & Comercial
- Servicio Rapido
- Servicio Profesional, Confiabel y Garantia

* Prijs di Awg. 65,- te max. di 7 m³
* Prices based on 3.5% BBO BAZV.

YAMA NOS NA:
582-4684 info@ecotech.aw
www.ecotecharuba.com

Like Us On Facebook

Nos ta Acepta ATM ora
di duna septic service

Nos Ta Drecha
Wasmachine, frigidaire,
cooler, dryer, forno,
stoof. Tur marca di Split
y Inverter windows.
Cel: 561-1615.

VERF Y DAK
pa tur trabou di verf cas,
negoshi, join compound,
graniplas, spuit dak y
drecha dak cu ta lek.
Yama nos na 566-7736.

FOR RENT:
Trailer na Noord and Studio
Apto amobla.
Inclusive luz, agua, cable &
wifi (Afl.850,-) + 1 luna
deposito. TI: 630-3782
TA HUUR DirectTV di
Colombia Afl.875,- pa luna.

DIRECTV
Promo Rusia 2018
Disfruta del mayor espectáculo del
Planeta 66 juegos en HD + HBO,
FOX MOVIES + ADULTOS +
INFANTILES y
ENTRETENIMIENTOS. "Instalación
Gratis", reparación de señal.
Llama al 749-0102.

DRTV GRATIS
Aproveche full canales, películas,
novelas, comedia, deportes
Mudial Rusia 2018.
Solo paga 100 pa mas por
la programación.
También te reparamos tu señal.
Cel: 560-6653.

**Construccion y
Remodelacion**
Nos ta traha cas, apto.
Remodelacion interior y
exterior, pega bloki, pleister,
plafond, verf, traha drecha tur
sorto di dak. Bon prijs.
Info: 561-2137

**Mercado Reparación y Servicio
Nos ta drecha**
Wasmachine, Frigidaire,
Cooler, Dryer, Stoof, Forno.
Tur tipo di split-unit y window.
ALEX MERCADO !Any Time!
Cel: 567-0580

TA HUUR
Studio Apartment
semi-muebla na
Wayaca 35.
Locacion relajante
cu hardin bunita.
Prijs ta inclui awa,
electricidad, gas, cable.
Afl. 895.
Bel 5929902.

Ateliers '89 cu Workshop nobo Pintamento y Sculptura!



ORANJESTAD(AAN)-- Dia
5 di juni Ateliers 89 ta cum-
inza cu e workshop nobo Pin-
tamento y Sculptura, cu ta un
workshop pa un luna so .
Paga atencion ya cu e work-
shop no ta for di Dialuna
manera custumber, si no for

TA DRECHA
Airco, frigidaire,
wasmachine y draier.
Ta drecha na bo cas mes.
Nos ta Arubiano.
Pa mas info: 564-8977

Ta Huur
Cas na Catiri (Tanki Leendert),
3 camber cu airco inverter, 2 banjo,
muebla. Bon ubicacion serca di
retonde, minimarket, restaurants.
Utilities Exclui. Prijs pa luna.
Mas un luna di borg. Pa mas
informacion pls contact: 592-1520.

Ta Huur
Cas na Tanki Leendert,
2 camber cu airco inverter, 1 banjo,
semi muebla. Frigidaire di dos
porta, gas stove/forno.
Internet y cable inclui. Prijs pa
luna. Mas un luna di borg. Pa mas
informacion pls contact: 592-1520.

**PLOMERIA Y
CONSTRUCCION**
Nos ta haci tur trabao di
plomeria grandi y chikito,
lavamano, wc, lavaplato
y ducha. Tel: 563-6470 /
563-9130 / 741-0594

di Diamars pa Diaberna.
Pero e prome siman DESPUES
lo sigui NORMAL di Di-
aluna pa Diahuebs di 6.30 pa
9.30pm. E exposicion final lo
ta Diahuebs 28 di Juni pa 8pm
na Atelier '89. Edad ta 12 aña
pariba.
E docentenan ta Nicola Baratto
(Italia) y Yiannis Mouravas
(Grecia). Bo ta mas cu bon
bini pa participa na e work-
shop aki, na unda hunto cu e
maestronan bo lo traha dibuho
y sculptura y ta en busca den e
rumbo di Antilla bou di laman.
Segun e sobrevivientenan tin
un misterioso isla di spoki, cu
a desaparece den oceano At-
lantico. E nomber si ta sigui
existi door di ta e nomber pa e
grupo di islanan aki den e mar
Caribe y tambe e ta e nomber
di e barco SS Aleman Antilla,
cu a wordo gezink dilanti di e
costanan di Aruba y ta sosega
riba e fondonan laman aki-
nan.
Nicola Baratto y Yiannis
Mouravas, procedente respec-
tivamente di Italia y Grecia ya
pa hopi tempo caba ta facina
pa archeologia y mytonan y
ta aberigua con esakinan ta
sigui biba y traspasa pa e gen-
erashon nobo. E interes aki
tambe ta envolve e mytolo-
gia y mytonan pesonal cu ta
wordo traduci por ehempel
den soño.
Como artista nan ta en busca

di e posibilidadnan cu tin den
e casonan aki invisible pa
materialisa esakinan door di
dibuho y sculptura. Cu esaki
den nan mente e participante-
nan den e workshop aki lo bai
traha mano a la obra cu e dos
docentenan pa un scogencia
personal pa busca den su pro-
pio archeologia y soño y asina
traha dibuhonan y escultura
di eski. Cada participante ta
traha su mes un buki di soño
unda un serie di dibuhonan
escohi di memorianan in-
concientemente, imagen di
soñonan, mytonan personal
y asina reuni tur e dibuhonan
aki den un "bundel". E serie di
e sketsnan aki lo forma e base
pa crea e esculturanan cu lo
wordo traha na final. Pa esaki
nos lo usa evidentemente tur
tipo di material cu lo aparace
den nos cercania. E doloroso
esochencia aki lo forma e sto-
ria personal cu lo wordo conta
hunto cu e material cu lo pas
mihor pa esaki.
Pa yuda e participantenan
yega na nan propio storia y
pa duna esaki un estimulo, lo
tuma luga cada siman ariba un
dia den siman un presentacion
di pelicula. Nicola y Yiannis a
produci hunto un programa di
nan peliculanen mas favorito
y mas inspirado cu lo wordo
proyecta riba pantaya grandi
na Ateliers '89.

Invitacion pa oracion na tur e debotonan di Señor de Los Milagros y e Birgen Doloroso



Den Señor so nos tin cu pone nos confiansa. Union ta haci forsa. Grupo Peregrino Señor de Los Milagros ta invita tur e debotonan di Señor de Los Milagros, tur esunnan cu ta stima Hesus y Maria y pueblo di Aruba en general pa orashon na honor di e Milagroso y Su Mama Doloroso, dialuna 28 di mei pa 7or anochi den Kapel di Centro Pastoral na Sta. Cruz. 6.15 nos ta cuminsa cu e Rosario di e Birgen Doloroso. Hesus y Mama Maria ta warda bo.



Cumana #44
(297)586-4444 (297)733-2906
(297)593-0857 (297)731-5847
royalfuneralhome@hotmail.com

Gradicimento y invitacion

Un danki di curason na tur hende cu a muestra nos atencion, cariño y a compañía nos na despedida y entierro di nos ruman Tita stima

Tambe nos ta invita pa 3 santo sacrificio di misa, diamars 29 di mei y diasabra 2 di juni na kapel di madiki pa 6'or di atardi y diamars 5 di juni pa 5.30 di atardi na kapel di Alto Vista.

Bebe, Sofia y sobrinonan

Sosega na paz Tita, pa asemper lo bo ta den nos curason



Cumana # 76
Tel: (297) 588-6699
(297) 593-0857

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia cu a fayece:



Dolores Silvestre

*01-04-1955 - †25-05-2018

Acto di condolencia y despedida lo wordo anuncia despues.

Pa avisonan di morto
morto@diario.aw

Minister Dangui Oduber a bishita FEPO



ORANJESTAD(AAN) --- Oduber a bishita Fundacion Minister di Turismo, Salu- pa Esnan cu Problema di Oido-bridad y Deporte, Sr. Dangui (FEPO). Durante e bishita aki



Cumana # 76
Tel: (297) 588-6699
(297) 593-0857

"Jesús llama a los que quiere
Y a quienes tienen el corazón dispuesto."

Cu inmenso tristeza yiunan y rumannan ta participa fayecimento cristianamente di:



Willem Richard Webb

(Richard, Sha)

Naci: 26-12-'53 Fayeci: 24-05-'18

Na number di su:

Yiunan:

Kendrick Webb y Jazlin Boekhoudt
Andreina Webb

Nieto:

Jelvin Tromp

Mayornan defunto:

† Francisco y Presentacion Webb-Croes

Rumannan: Vda. Maria Maduro-Webb y famia

Jacinto Webb

Marcelo Webb, esposa Chimina y famia

Catharina Tromp, esposo Ramiro y famia

Telma Webb, Franklin y famia (Hulanda)

Pina Webb (Hulanda)

Irma Webb y famia (Aruba y Hulanda)

Roque Webb y famia (Hulanda)

Tico Webb y esposa Viviana

Famia di rumannan defunto:

† Engracia Vrolijk-Webb

† Isidelia Webb

† Simon Webb

† Benoit Webb (Puerto Rico)

† Rita Kelly-Webb

Swa:

Manuel Kelly y yiu

Bon amigonan: Joy Tromp y famia

Tico Tromp

Boy Dirksz y famia

Gregory Sanchez y famia

Johnny Wever y famia (Bonaire)

Mama di su yiunan: Aura Dirks y famia

Sobrino y sobrinanan, primo y primanan, su comer y comper, amigo y conocirnan, su coleganan di Caribbean Palm Village y demas famia: Webb, Croes, Maduro, Tromp, Kelly, Geerman, Franken, Koolman, Panneflekk, Kock, Dirksz, Ponson, Moseley, Thijsen.

Si nos por a lubida cualquier famia, nos disculpa.

Ta invita na e acto di entierro Sha, cual ta tuma lugar diamars 29 di Mei na Aurora Funeral Home di 2'or – 4'or atardi, saliendo despues pa Santana Catolico na Savaneta.

Adres pa condolencia: Aurora Funeral Home – dialuna 28 di Mei for di 7'or – 9'or anochi.

Despues di entierro nos ta lamenta di no por ricibi bishita di condolencia na cas.

Minister a conoce tur e tradadornan y a haya un presentacion di con e fundacion ta opera. Tambe a trece preocupacionnan padilanti por medio di cifras a base di e ultimo añanan cu no a haya e debido atencion. Minister a ricibi tambe un splicacion amplio di con e testnan di oido ta wordo haci. Recientemente FEPO a hasi un inversion den un mashin cu ta facilita e trabounan y ta hopi mas eficiente pa asina e pashentnan por haya nan aparatonan di oido mas liher posibel. Aki ta trata di e mashin "Bonus Scan Smart Optics 3D". Cu e tecnologia nobo aki ta simplemente hinca e "mold" di e pashent su orea den e mashin y esaki ta scan 100% conforme e midi original den un formaat digital y ta manda esaki merca pa traha e aparato di oido. Antes e pashent mester a warda un periodo di 4 siman pa ricibi su aparato. Cu e mashin nobo aki e pashent ta haya su aparato di oido den un periodo di 2 siman.

Preocupacionnan

Dirigenten di FEPO tambe a trece nan preocupacionnan padilanti na e mandatario. Un di e preocupacionnan cu nan a trece padilanti ta locual AZV ta cubri y no ta cubri. Esaki nan ta bareranan cu por medio di e ley di AZV ta trece hopi incertidumbre den futuro pa e fundacion. Por ehempel, desde 2001 AZV ta cubri solamente Afl.830,- di e aparatonan di oido mientras cu añanan a pasa y esakinan a yega un costo di Afl.1440,-. Hopi ta esnan den nos comunidad cu no tin e manera pa cubri un gasto asina grandi.

Prevencion FEPO a splica e mandatario cu conscientisacion ta di suma importancia. FEPO hunto cu Quota International of Aruba ta purba na conscientisa e comunidad mas hopi cu ta posibel pa cuida di bo oido na scolnan y tambe otro instancianan. Den 2017 FEPO a conoce 228 pashent nobo cual 36% di esakinan a resulta di tin mester di un aparato di oido. FEPO no solamente ta yuda na conscientisa pero tambe ta yuda na mehora e comunicacion di un persona cu oido malo.

FEPO tin tur e debido atencion di Minister Dangui Oduber y lo percura pa e preocupacionnan di FEPO wordo atendi por medio di adaptacion di e ley di AZV. Tambe e mandatario ta sostene e accionnan tuma riba tereno di prevencion. Tur inversion cu ta wordo haci awor den prevencion lo tin su resultado positivo a largo plaso.

Oracion pa awe:

Señor hasi nos curason pareu na bo curason, pa nos por biba y stima manera Abo a pidi nos.



ONDERLINGEHULP

Specialista den seguro di entierro

Presenta pa:
(297) 582-4427
info@onderlingehulp.com

Aurora
Funeral Home

Cumana # 76
Tel: (297) 588-6699
(297) 593-0857

Señor ta mi wardador, mi'n tin falta di nada,
den cunucu di yerba berde E ta pone mi sosega. E ta hiba mi na
awa trankil, pa mi bolbe haya forza.
Salmo:23.1



Ciro Emmanuel Tromp

Mihor conoci como "Ciro"
*30-7-1957 - †17-04-2018

Na number di su:

Mayornan: †Ramon. H. Tromp
†Sebastiana "Alejandrina" Tromp Werleman

Rumannan:
†Juan Tromp
Benjamin "Benny" Tromp
Filomena y Fransisco Quandus-Tromp y Famia
†Ramiro Tromp
Lourdes Tromp y Franklin Martinus y Famia
Sobrino (a) nan:
Xiomaira Quandus
Milanchela y Eldridge Wolff-Quandus
Govan Quandus y Jennilaine Ras
Jullysses y Jenny Tromp-Law
Shylpa Tromp y Alex Erik Ridderstap
Josue Tromp y Angie Tangarife
Sobre-
Sobrino (a) nan: Dustyn, Justen, Joshua, Julyxon, Shylzienne,
Shynaily, Julius, Shykaidy-anne
Omo y Tanta nan, ihanan, primo y primanan.
Bisinja y amigo (a) nan:
Magarita Roza y famia, Ligia Roza – Croes y famia

Ex colega nan di Holiday Inn.
Di su padrino (a) nan: †Nicasio Roza
Efrain Giel
†Teresita Tromp

Famia: Tromp, Werleman, Quandus, Martinus, Wolff, Ras,
Law, Ridderstap, Tangarife, Gonzales, Eckmeyer, Bermudez,
Henriquez, Donata, Dijkhoff, Ruiz, Luidens, Jacobs, Franken,
Wolf, Schonerr, Roza, Giel, Geerman, Flanegin, Maduro, Croes,
Farro, Vrolijk, Riderstaat, Figaroa.

Acto di entierro lo tuma lugar, Diaranson 30 di Mei 2018. Pa 4or
di atardi saliendo for di Misa Sta. Anna na Noord pa Santana
Catolico di Noord. E restonan mortal di Ciro E Tromp lo ta
reposa for di 2'or di merdia den misa St. Anna Noord.

Disculpa den nos tristesa nos por a lubida un o mas famia.
Nos ta lamenta cu despues di entierro nos no por ricibi bishita di
condolencia.

Enbes di krans of flor nos ta desea donacion pa un bon cuasa.

Michella Steenvoorde – Lacle van POR:

Ta aplaudi Minister Bikker cu e apertura di Cas di Siguridad/Veiligheidshuis Aruba



ORANJESTAD (AAN): humano central exactamente?
Hopi biaha ta wordo bisa cu e Y con nos ta haci esaki?
gobierno aki tin "e ser humano Ora nos ta papia di pone "e ser
central". Esey nos a kies pe. humano central", nos kiermen
Pero kiko kiermen pone e ser cu ora nos ta stipula maneho-

nan, incorpora procesonan of
construi edificionan nos ta
tuma den consideracion con e
persona lo experencie', use',
pense' of sintie'.

Pues na un banda nos mester
sa con un persona ta haci, pen-
sa y sinti. Di e otro banda nos
mester tene en claro e meta cu
un maneho, proceso of edifi-
cio tin cu cumpli.

Sigientemente nos ta purba
di e manera mas eficiente y
efectivo pa e dos liña di pen-
samentonan aki cana man den
man, pa asina logra cu e "ser
humano" por logra su metan-
an mas mihor posibel.

Aruba conoce diferente or-
ganisacion, cu cada un for di
su mesun experticio y enfoke
ta tenen nan mes bezig cu cui-
do y straf. E organisacionan
aki ta traha of di un angulo
legal, of di un angulo di cuida
(psiquiatria, proteccion di mu-
cha, slachtofferhulp, schuld-
hulpverlening, leerplicht etc.)

E casonan cu lo wordo trata
den Veiligheidshuis ta caso-
nan di personanan/famianan
cu tin mas cu un problema na
mesun momento. Pa yuda un
persona/famia asina, despues
di por ehempel un straf pa e
no bolbe comete e mesun er-
roran, mester wordo traha
riba diferente aspectonan na
mesun momento. E diferente
angulonan y organisacionan
cu e persona/famia ta ricibi
cuido y/of starf for di dje no
mester klem cu otro.

Por ehempel si ta trata di
comportacion agresivo den
un famia, cu ta yen di debe,
ta horta den tiendanan, tin
problema cu vivienda y tin
mucha chikito, tur bibando
bou di mesun dak. Cualquier
organizacion riba su mes por
concentra riba un aspecto so
alaves. Pero den un Veilig-
heidshuis tur organisacion ta
bin hunto den sinergia, cierto
faminan asina ta wordo dis-
cuti entre e diferente partner-
snan den e cadena hudicial y
cuido, pa sina conhuntamente
bin cu un plan di accion, cu
ta focus riba e situacion di e
persona/famia en specifico.

E cuida lo wordo mas mihor
posibel "afgestemd" riba e
caracteristicanan y actividad-
nan di e persona/famia.

E meta di Cas di Siguridad/
Veiligheidshuis Aruba tin un
rol di consehero, pa proceso
y maneho rond di famianan
multiproblematico, pa asina
por ahusta of perfecciona
maneho unda cu tin mester. E
meta principal ta un sociedad
sigur, un Aruba cu nos tur por
ta orguyoso di dje.

Aurora
Funeral Home

Cumana # 76
Tel: (297) 588-6699
(297) 593-0857

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forza".
Salmo: 23

A fayece inesperadamente:



Candido Boekhoudt

Mihor conoci como: "Candy"
*01-12-1941 - †25-05-2018

Na number di su:

Esposa: Ramona Boekhoudt-Kelly

Yiunan: Julisa y esposo Juan Carlos Ramirez-Boekhoudt
Carlos Boekhoudt

Nietanan stima: Jesslyn Boekhoudt

Jazmin Ramirez
Rumannan: Chefa Kelly y famia
Chanita y Poli Hernandez y famia
Marthilda Paskel y famia
Florita y Nene Kock y famia
Buchi Boekhoudt
Juanita Boekhoudt
Celsa y Donny Tjen-A-Kwoei

Swa y cuñanan: Nicomeda Boekhoudt-Ruiz
Nestor "Nene" Henriquez
Graciela Kelly
Maximon y Ramona Kelly-Geerman
Maria Kelly
Filomena Kelly
Salvador "Loy" Kelly
Justina y Juni Tromp-Kelly y yiunan
Mario y Lilian Kelly-Hellement y yiu

Ihanan: Mario Kelly, Francella Boekhoudt, Rosanne Tromp y
demás ihanan

Subrino y subrinanan na Aruba y Hulanda, primo y primanan,
su amigo y amiganan, bisiñanan y demás conocirnan, Grupo
Mariachi Campesino, demás grupo di mariachinan, caha di
orgelnan

Demas famia: Boekhoudt, Kelly, Ramirez, Thiel, Hernandez,
Paskel, Kock, Tjen-A-Kwoei, Ruiz, Henriquez, Tromp,
Hellement, Rozenberg, Croes, Donata

Ta invita tur conocirnan pa e acto di condolencia y despedida cu
lo tuma lugar diaranson 30 di mei 2018 di 2'or pa 4'or di atardi
na Aurora Funeral Home, despues cremación lo tuma lugar den
seno familiar.

Nos ta pidi nos disculpa si den nos tristeza nos por a lubida un
of mas famia.

Nos ta lamenta cu despues di entierro nos no por ricibi bishita di
condolencia na cas.

Pa avisonan di morto

morto@diario.aw

Marck Oduber a reuni cu instancianan pa duna mas informacion riba Sargassum Zeewier

ORANJESTAD(AAN): --- Marck Oduber ta meteorologo, pero awo e ta ter beschikking di Minister Lampe. A base di esey el a haci un bishita den exterior. Ultimo añanan, esta desde 2011, tabata tin aumento di Sargassum zeewier den e region Caribense. Normalmente esaki ta afecta areanan di Caribe, pero despues di 2011, e tabata afecta parti central, parti zuid y cierto camindanan cu antes no tabata tin efecto.


E ora a cuminsa cu un investigacion pakico e ta haci'e, di unda e ta bin, cu tur esey. Pero door cu rato rato e efectonan tabata hopi fuerte pa e islanan Caribense, e ora UNESCO ISE, cual ta e instancia intergubernamental oceanografico di Unesco, cu su representacion di IO Carib, cual ta pa e region Caribense, cu norte America y sur America, a dicidi e ora cu mester tackle e situacion na un manera mas sostenibel y



bin cu plannan regional pa e problema di Sargassum Zeewier, cu ora e afecta cierto islanan Caribense, con pa haci cun'e, con pa deshaci di dje y con pa anticipa cu e zeewier lo afecta cierto islanan. E ora eynan a bin cu e conferencia aki. Hunto cu e conferencia di Sargassum, a peg'e cu oilspill. E sargassum obviamente no ta oilspill, pero e manera cu nan ta traslada riba lama, tin biaha nan ta casi parecido na otro y tambe manera pa observa nan for di espacio ta mesun manera. E ora a dicidi tackle tur dos hunto y bin cu un aanpak regional, pa e problema aki y pa yuda e islanan, vooral di e molester cu por ta un sargassum zeewier por haci of un oilspill por haci den e region Caribense.

Ta anticipa cu sargassum lo aumenta na cierto central y zuid

di Caribe, dependiendo coriente di lama. E parti di oilspill tambe ta anticipa cu por aumenta, door cu e trafico maritimo lo bay aument y hopi bi-aha ta mira cu hopi oilspill ta wordo causa pa botonan cu ta nabega. No mester ta un plataforma cu ta explorando petroleo of algo cu ta bin di tera, pero botonan ta laga azeta los pa haci nan balast limpi. Pero pa e sargassum a mira cu pa 2018, segun e cientificonan ta cu 2018 lo bay ta un año hopi activo pa sargassum, for di awo te cu Augustus, por anticipa cierto paisnan den Caribe lo tin efecto di e zeewier aki y e zeewier por ta un molester si of no, dependiendo abo como pais ta tackle e y con bo ta deshaci di dje, si ta necesario of no. Poco zeewier a yega bo costa y bo ta bay bulldoze e. Tin otro manera pa haci'e lim-



pi of ta lage para.

Riba su mes sargassum no ta malo. Riba lama grandi e ta den un area cu ta un habitat pa diferente bida marino. Casi 200 especie ta biba den e area aki, cual ta flota den lama grandi.

The LORD is my shepherd;
I shall not want.
He makes me lie down in green pastures.
He leads me beside still waters.
He restores my soul
Psalm 23 vers. 1 & 2

It is with sadness that we announce the passing of our beloved mother, grandmother, sister, aunt, godmother, neighbor and friend:

Jocelyn Eileen Young-Sprott

Sunrise: October 3, 1937 – Sunset:
May 21, 2018

Wife of the Late Amos W. Young



Left to mourn are her:

Sons: Percival "Perry" & Gisela Young-Landvreugd

Andrew "Andy" & Cheryl Young-Danker

Grandchildren: Nygel & Ashny Young

Like children: Jullisa Poppen Chayadi & family

Juviene Chayadi & family

Stephanie Keteldijk & family

Brother:

Lennard Sprott & Conchita Sprott-van Zanten & family

Winston Sprott, Marianne Tilro & family

Sister: Vera Simmons-Sprott & family

Godchildren:
Eileen Woodley,
Bernadett Monize-Blijden,
Selene Mitchell
Claudine Spanner

Nieces and nephews and cousins too numerous to mention

Caretaker: Yvonne Arrindell

Close friends & neighbors: Edna Mathilda-Solognier, Tesha & Elias Wilson-Solognier, Ruth Richardson-Lake & family, Robert Leerdam & family, Honoré Eights & family, Irma Eights & family, Mayra Eights & family, Leoncio & Lorna Jansen-Varlack, Leonardo Pemberton & family, Roy Hodge & family, Marlon Gumbs & family, Stella Monsanto & family, Keila Alcantara & family, family Vlaun, family Brooks, family Boasman, family Briezen, family Berkel, family Bryson, family Winklaar, family Soares-Dania, family Angela, Linda Phillip- Lisper & family, Staff & members of Cas Marie.

She was related to the following families: Young, Sprott, Landvreugd, Danker, Schrewhardt, Lovell, Woodley, Simmons, Brown, Bennett, Berkel, Rodgers, Canword, Spanner, Glover, Chayadi, Lugo, Poppen, Provence, Richardson, Keteldijk, Mitchell, Nanton, King, Gibbs, Durham, Monsanto, Lopes, Rogers, van Putten, Schmidt.

The service of Thanksgiving for life of Jocelyn Young-Sprott, will take place on Tuesday, May 29, 2018 at Christchurch Methodist Church at Amilia van Solmstraat in San Nicolas. Viewing will be from 1:00 to 3:00 pm immediately followed by the service. Interment will take place at Sabana Basora Cemetery.

Opportunity for condolences will be held on Monday, May 28, 2018 from 7:00 – 9:00 pm at Ad Patres Funeral Home.

Our apologies if in our moments of grief, we forgot to mention anyone.

May the soul of our beloved Jocelyn Young-Sprott rest in perpetual peace!



Van Rensselaerstraat 2
5842299/7372299
adpatres@qualityservice.com
Family owned and operated

Häagen-Dazs a celebra nan relanzamento di nan empake



THE CINEA

www.thecinemas.aw

Valid May 28 - 30

*matinee: THU - SUN | late show: FRI & SAT

AT RENAISSANCE

SOLO A STAR WAR STORY

daily: 4:50 5:50 7:50
matinee: 8:50
late: NEW PG-13

daily: 6:50 9:50
matinee: NEW PG-13

BREAKING IN

daily: 4:00 8:05 10:00
matinee: SP PG-13

LIFE OF THE PARTY

daily: 4:25
matinee: PG-13

DEADPOOL 2

daily: 6:00 8:30
matinee: SP R

OVERBOARD

daily: 5:30 7:15 9:40
matinee: SP PG-13

AVENGERS INFINITY WAR

daily: 4:15
matinee: SP PG-13

late: SP PG-13

AT PASEO HERENCIA

SOLO A STAR WAR STORY

daily: 4:30 6:30 7:30
matinee: 9:30 10:20
late: NEW PG-13

daily: 5:30 8:30
matinee: NEW PG-13

BREAKING IN

daily: 4:00 6:00 8:00 10:00
matinee: SP PG-13

LIFE OF THE PARTY

daily: 4:45
matinee: PG-13

DEADPOOL 2

daily: 6:15 9:00
matinee: SP R

OVERBOARD

daily: 4:05 7:05
matinee: SP PG-13

AVENGERS INFINITY WAR


daily: 9:45
matinee: SP PG-13

late: SP PG-13

SHERLOCK GNOMES

daily: 4:15
matinee: SP PG

LATEST RELEASES



Afl. 5,- MOVIES. Wednesday at Renaissance & Paseo

ORANJESTAD (AAN): Recientemente Häagen-Dazs a celebra nan relanzamento na Academy of Fine Arts and Design, na unda Dilynn Pom, di Frasa International Trading, a splica cu e aña aki, Häagen-Dazs a conoce un cambio den nan empake.

Tradicionalmente Häagen-Dazs ta conoci pa nan color biña y oro, pero como trends ta keda cambia, Häagen-Dazs no a keda atras y a presenta un 'look' nobo, hopi mas fresco,

cu colornan vibrante, pero nan calidad y sabornan gusta ta keda mescos. E compania a busca artistanan pa expresa nan mes riba con e sabornan ta laga nan sinti, y nan a trece esaki dilanti den e colornan di e empake.

Durante e anochi, Häagen-Dazs tambe a introduci un sabor nobo cu ta 'coconut-passion fruit', esnan presente a goza masha hopi di e sabor aki, cu ta uno hopi tropical.

Flex Team ta gara trio cu basta droga y atributo pa uso di droga banda di Hotel

ORANJESTAD(AAN): -- Mas y mas droga ta move rond di nos hotelnan. Flex Team a gara tres homber cu bastante droga den nan poder. Esaki tabata net riba e area cu tin entre Barcelo y Hyatt. Tabata algo pasa di 9 or diadomingo anochi cu e accion a tuma lugar. E personal di Flex Team ta haciendo un tremendo trabou y tin e libertad pa move tur caminda. Na momento cu nan mira algo sospechoso, ta actua mesora. Semanalmente ta mira e resulta di e team aki riba e cay. Sigur un tremendo trabou. Diadomingo nan tabata pasando den e corredor di Hyatt y Barcelo y a haya holo fuerte di marihuana. Mesora a pasa pa controla y a bin topa cu tres homber den un Kia Rio Hatchback color blauw numeru A-18187.

Ora Flex Team a bay controla, a canta bingo tambe. A bin haya un cantidad di droga den nan poder y hasta un pipa pa hala droga. E cantidad di droga haya den nan poder ta un prueba cu e no ta pa solamente uso propio. A detene nan y a pidi presencia di transportwagen pa asina transporta nan pa warda di Shaba.

Droga tin un grupo grandi di hoben domina. Parce cu tin politico ta cana gaña cos publicamente y hinca varios di e hobennan aki den un problema.

Nan ta kere cu cierto droga ta legal. Nan ta lubida riba nan futuro cu ta wordo afecta pa motibo di e droga. Pabien na Flex Team cu nan bon trabou.



SIN DOLOR DI CABES

FRIEW

FRIEW



UN PAGO TA INCLUI TUR COS!

- GREE INVERTER AIRCO
- INSTALACION Y MANTENCION
- GARANTIA ADICIONAL
- 0 DOWNPAYMENT
- USO DI CORIENTE SUPER ABOU

ASINA MES!

PAGA UN SUMA MENSUAL
SUPER ABOU Y HAYA BO
GREE INVERTER AIRCO INSTALA,
MANTENI Y DRECHA (SI MESTER)
SIN GASTO ADICIONAL PA BO
PA UN PERIODO DI 2 AÑA!

DESDE

99,-

9000 BTU

99

PA LUNA

12.000 BTU

119

PA LUNA

18.000 BTU

155

PA LUNA

* PRIJS BASA RIBA CREDITO SPECIAL
DI 24 LUNA SIN DOWNPAYMENT.



GREE
EXCLUSIVE DEALER

amc unicon